



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

WIDENER LIBRARY



HX JH3R U

24244.51

HARVARD COLLEGE  
LIBRARY



FROM THE FUND OF  
FREDERICK ATHEARN LANE

OF NEW YORK

*Class of 1849*





JOSEPHI BENVENUTI

PHILOSOPHIA AC MEDICINA DOCTORIS, SS. D. N. PAPÆ AQUITIS,  
ACADEMIA IMPERIALIS GERMANICA PRÆSIDIS ADJUNCTI, REGIA  
GOTTINGENSIS, PHYSICO-BOTANICA FLORENTINA, INSTITUTI  
SCIENTIARUM BONONIENSIS, SODALIS

DE DÆMONIACIS  
DISSERTATIO.




L U C Æ  
M D C C L X X V.

---

TYPIS JOANNIS RICCOMINI  
PRÆSIDUM APPROBATIONE.

24244.51



Same fund

205-  
48.134  
45

( III )  
*EMINENTISSIMO PRINCIPI*  
**ANDREÆ CORSINIO**  
*S. R. E.*  
**CARDINALI**  
**CLEMENTIS XII.**  
**PONT. OPT. MAX.**  
**NEPOTI**

*JOSEPH BENVENUTIUS.*



*Incipiti eram ani-*  
*mo, PRINCEPS*  
*EMINENTISSIME, num*  
*TIBI Opusculum istud ve-*



*nerabundus offerrem; doni etenim exiguitas me a suscepto consilio abducebat, benignitas tua invitabat. Gratus memini quanta me comitate excepisti, cum aliquot abhinc annis, observantiam erga TE meam humiliter testari licuit, sacrasque tuas manus exosculari: quem honorem THERESIAE Sorori tuæ, optimi Principis DE CAETANIS Conjugi, acceptum refero, ingenio ac moribus incomparabili Mulieri, cujus gratia immeritus fruor,*

( V )

*ex quo Ejus valetudini prospexi, cum ad Lucenses Thermas accessisset.*

*Humanitati huic tuæ, CARDINALIS AMPLISSIME, maxima in sacras res pietas conjungitur, qua vel tenuissima clientulorum munera, libenter TE excepturum censui, ubi Catholica Ecclesiæ decorem tueantur. Ejusmodi vero cum sint quæ scribenda suscepi, eapropter speravi ut sapienti tuo judicio comprobentur; quod si impetravero, in publicum se-*

CURUS

*curus prodibo, ea enim apud omnes est dignitas tua, ut qui sub tanto patrocínio degit, malignos afflatus nihilum pertimescat.*


*Pondus profecto meis humeris impar; conatus tamen, ni fallor, inutiles haud futuri: nam si in re gravi parum præstitisse videbor, ea ipsa de causa alios provocabo, ut felicius cum Ecclesiæ hostibus pugnent.*

**DEUS OPTIMUS  
MAXIMUS, Te, PRIN-  
CEPS EMINENTISSI-  
ME,**

( VII )

*ME, in Supremi Senatus  
Ecclesiastici splendorem diu-  
tissime servet, præmia simul  
tuis virtutibus digna elar-  
giatur.*

DE



---

---

# DE DÆMONIACIS DISSERTATIO.

**Q**UÆ magni nominis Vir  
Richardus Mead, Anglus  
Archiater, opera edidit,  
mihi olim comparaveram; me-  
rito enim ab eruditis laudan-  
tur, neque Medici bibliotheca  
illis carere potest. Postquam ve-  
ro optimæ frugis Librum, utili-  
ter perlegissem, occurrit in fine  
Cajacensis Episcopi rescriptum,  
quo Neapolitano supplicanti Ty-  
pographo, imprimendi facultas  
conceditur, dummodo ex Aucto-  
ris operibus variis, illud exclu-  
datur

datur, cui titulus, *De morbis qui in Sacris Bibliis memorantur*. Curiositate motus, reprobatum Librum apud Italos plerosque Bibliopolas frustra exquisivi, donèc tandem Amicus attulerit, cum a Lipsiensibus nundinis rediret, certe adfirmans, pluries jam in Germania, & in Gallia, post Amstelædamensem editionem, recusum fuisse. Auctoritate a Sacræ Inquisitionis tribunali mihi jampridem concessa, cum illum legere exordirer, valde profecto admiratus sum, ægreque tuli, quod in ipsa præfatione Summum Pontificem, venerandosque Sanctæ Romanæ Ecclesiæ ritus, Auctor contemneret, simul verò contra ipsam veritatem quoad Energuménos sentiret. En ejus

verba. Quis non merito irridet solemnes istos Romæ Pontificum ritus, quibus exorcizantur, ut loqui amant, *Demoniaci*, dum homines gestus quosdam, & furores, simulare docti, quales a malis genis provenire putantur, aqua lustrari & precibus quibusdam, quasi incantamentis, sui competes fieri, & a *Cacodemonibus* liberari sese fingant? Summi Sacerdotis, Christi in terris Vicarii contemptum verba ista redolere, facile agnoscimus; honestum autem Virum non decet, utut a Romanæ Ecclesiæ dogmatibus dissentiat, maximi Principis dignitatem aspernari. Ego vero postquam mirari non desino, publica nimis in re, quæ Catholicæ Ecclesiæ decorem valdopere lædit, Ejusdem defensionem, contra Meadium scri-



bendo , neminem prospexisse ; æquo erga illam amore excitatus , tametsi viribus impar , calamum arripio , Deoque favente , ostendere conabor , Viri hujus , cæteroquin clarissimi , ejusdemque asseclarum quoad Energumenos sententiam , prorsus erroneam esse .

Fateor me de hominum a Satana obsectorum existentia minime dubitare ; inter credulos tamen locum non habere , qui eorum multos dari opinantur , quique præstigia , spectra , incantationes , maleficia , ubique somniant reperiri . Utinam difficili hac in re , ipsi Ecclesiæ Ministri , quibus exorcizandi facultas conceditur , æquo procliviores ad credendum aliquando non essent ;

( XIII )

sent: ac ab idoneis quoque Physicis ( quorum est ea quæ corpora naturaliter patiuntur explicare ) antequam officium exercerent, exquirerent, num a Dæmonis obfessione, an potius ab ineptis mentis aberrationibus, veroque vel fictitio morbo, mira symptomata proficiscantur: ita enim sacri iidem Exorcistæ, neque desipientium deliramenta, gravi horum damno, facile foverent; neque a vaferrimis mulierculis persæpe deciperentur; qua quidem de causa, Sacrorum Rituum spretus, atque in Catholicis ipsis incredulitas, oriri potest. Id pro certo habendum, a Redemptoris in mundum adventu, Diaboli potentiam in Homines, non quidem prorsus  
abla-

ablatam, sed valde imminutam  
fuisse; qua de re non ita fre-  
quenter quin, rarissime, veri E-  
nergumeni occurrunt.

Postquam igitur sententiam  
meam circa Dæmoniacorum exi-  
stentiam, atque Ecclesiæ in eos  
potestatem explicavero; operæ  
pretium erit præcipua signa indi-  
care, quibus veri Energumeni a  
fictis astutisque discerni queant  
(ægros enim, ac mente imbecil-  
les facile noscimus) ne eorum  
fraudibus ac figmentis sacri E-  
xorcistæ decepti, gentium ludi-  
briis exponantur, eisque aptan-  
da sit sententia. *Qui cito credit,  
levis est corde. Eccl. 19.*

Indecorum Philosopho esse,  
rei alicujus existentiam admitte-  
re, causam vero illius ignorare,  
hodie-

hodierni quidam pseudosapientes opinantur, quorum aliqui haud ita pridem, de Energumenis mecum disputantes, inter veros Philosophos me locum non habere pronunciarunt: errare autem illos, veri sapientes credunt: quin potius hoc nomine indignos judicant, qui mirabilia captum superantia ex ordine naturæ excludunt, quod scilicet ipsam excludant philosophiam, ut recte monuit Plutarchus. *Quodammodo philosophiam tollunt, qui rebus mirabilibus fidem non habent* ( *Sympos. Lib. V. cap. 7.* ) Humiliavit hominem Deus, ejusque intellectui limites circumscripsit, ea quidem de causa, ut Andabatarum more, quæ præcipue religionem respiciunt, indubie crederet, magisque me-

rere-

reretur, si altiora se scrutatus non fuerit. Vanitas exulet, & superbia, ignarosque nos esse, qua convenit sinceritate fateamur. Multa quæ non intelligimus credere tenemur: de iis vero minime ambigere debemus, quibus ex Dei vel Sanctæ Matris Ecclesiæ præcepto, fides adhibenda.

Ut vero ad propositum deveniam, Diaboli potentiam in humana corpora, sacrorum textuum auctoritate: physicis rationibus: Doctorum denique virorum testimonio, demonstrabo.

Redemptor noster Jesus Christus, cum humanam carnem assumpsit, atque in terris habitavit, ad Coelum ascensurus, in ultimo suo ad Apostolos; Disci-

pulos hæredemque Ecclesiam ,  
 sermone , inquit . *In nomine meo*  
*Dæmonia eiicient , linguis loquentur no-*  
*vis &c. Marc. cap. 16.* Rursum-  
 que ex Evangeliiis habemus . *Et*  
*cum videret Iesus concurrentem tur-*  
*bam , comminatus est spiritui immun-*  
*do , dicens illi : Surde , & mute spi-*  
*ritus , ego precipio tibi exi ab eo , &*  
*amplius ne introeas in eum . Et ex-*  
*clamans , & multum discerpens eum ,*  
*exiit ab eo , & factus est sicut mortuus ,*  
*ita ut multi dicerent , quia mortuus*  
*est . Iesus autem tenens manum ejus ,*  
*elevavit eum , & surrexit . Marc.*  
*Cap. 9. vers. 25.* Qui ergo de  
 Evangelii veritate non dubitat  
 ( quemadmodum clariss. Mea-  
 dium de ea non dubitare , in  
 hoc suo Libro videtur ) Dæmo-  
 niacos admittat necesse erit . Ne-  
 que

que subterfugii ergo, ut labantem suam sententiam fulciret Meadius, scribere debuisset, Christum tam in citatis locis, quam occasione *mulieris Satanam habentis jam annos duodeviginti. Marc. cap. 19. v. 17. Luc. cap. 13. v. 17. more loquendi communi* usum fuisse; (*Medic. sacra Capit. ix. pag. 54.*) causa etenim nulla est, cur eo modo, maxima præsente hominum turba, loqui debuisset Redemptor, neque parabolica sunt quæ Idem protulit verba: *Surde, & mute spiritus, ego precipio tibi, exi ab eo, & amplius ne introcas in eum:* luce ergo clarius est, homines illos, de quibus loquuntur Evangelistæ, a Satana obsessos revera fuisse; in naturali enim morbo, contra atque

opor-

( XIX )

oportebat, vel loquutus Jesus non esset; vel eodem modo, sicuti alias fecit, remediis, aut verbis sanasset, ut ficubus in prioris Testamenti libris sanatum legimus Ezechiam, *Reg. Lib. IV. Cap. 20.*; turbida piscinæ aqua paralyticum: saliva, ac luto cæcum. *Matth. Cap. 8. & 9. Johann. cap. 5.*; a sanguinis profluvio Mulierem. *Matth. Cap. 9. vers. 20.* Si ergo Satanæ imperavit ut exiret ab Homine, minime dubitandum Satanam in illo adfuisse, nec *more communi loquendi* verba illa a sapientissimo Servatore nostro fuisse prolata; eo magis quod a Discipulis interrogatus, cur non potuerint Ipsi illum spiritum eiicere, respondit: *Hoc genus non potest exire, nisi in oratio-*



ne, ac jejunio. *Marc. cap. 9. v. 25.*  
*Luc. cap. 9. v. 42.* Ad rem faciunt quæ clariss. de Haen scripsit in *Ration. meden. Tom. XV. cap. 4. pag. 156.* „ Eos volumus  
 „ qui admittunt revelationem,  
 „ eosdemque precor, ut deposi-  
 „ ta præoccupatione, Sacra Evan-  
 „ gelia pervolvant diligenter,  
 „ notasque ad illos affigant, qui  
 „ Dæmoniacorum meminerunt  
 „ locos: centenario plures ejus-  
 „ modi notabunt, qui sincere  
 „ considerati, non permittent  
 „ unquam illis, ut ad non præ-  
 „ ternaturales morbos, has re-  
 „ ferant Dæmoniacorum histo-  
 „ rias. Videbunt Dæmones id  
 „ effatos, quod homines, quos  
 „ obsidebant, ignorabant. In  
 „ principio certe ignorabat Israe-

„ litica gens, Jesum, & Mes-  
 „ siam esse, & Dei Filium; u-  
 „ trumque Diaboli homines ob-  
 „ sidentes, ultro fatebantur. U-  
 „ bique curationes morborum ab  
 „ illis Dæmoniacorum distingun-  
 „ tur, distinctæque enarrantur ,,,

Ejusdem plane roboris sunt  
 quæ Meadius subjungit. *Medic.  
 Sacra pag. 56. Et nemo opinor existi-*  
*mabit Dæmonibus concessum esse, ut*  
*homines pro libitu suo furiis exagitent.*  
 Respondemus paucis, existimare  
 nos permisisse Deum homines a  
 Dæmonibus exagitari, non qui-  
 dem ad libitum, sed modis, ac  
 tempore constitutis, prout æqui-  
 tati summæ suæ videbitur, vel  
 peccata nostra variis pænis puni-  
 re, vel dilectorum etiam suorum,  
 ut in Jobo accidit, patientiam

expe-

experiri , ac tentantem Diabolum confundere .

Cum vero sint qui Sacrorum Librorum authoritatem impugnent , eorundemque Scriptores , tamquam apocryphos damnent , neque revelationem admittant ; facile hinc coniici potest Dæmoniacos non tantum , sed Diabolum quoque , ab insanientibus istis impudenter negari . Utinam non incidissemus in mala tempora , quibus nempe , Viri etiam operum mole noti , materialismo ( ut clarius loquar ) infatuati , gloriæ sibi tribuunt desipere ! Deberent profecto hodie-  
ni isti , ut loqui amant , Philosophi , pro certo habere , variarum Sectarum Libros ( sive bonæ , sive malæ sint ) ab Aucto-  
ribus

ribus quorum nomen præfere-  
 runt, editos fuisse, & dogmata  
 varia continere, prout varia ho-  
 mines circa Religionem cogita-  
 runt. Quisnam ex. gr. non cre-  
 det Mahometanæ legis præcepta  
 Alcorano contineri, Hebraicæ  
 Thalmudo &c.? Cur igitur de  
 Sacrorum Textuum, Novique  
 Fæderis Librorum Auctoribus,  
 & auctoritate dubitari poterit, si  
 ingenua Christianorum omnium  
 traditione, nulla temporum ca-  
 lamitate interrupta, Sanctæ no-  
 stræ Religionis dogmata, eos  
 continere didicimus? Quod si  
 quisquam apud Judicem, scri-  
 ptum aliquod tamquam falsum  
 condemnaret, de cujus veritate  
 publice jam constet; sola asser-  
 tio non sufficeret, sed accusan-

tis effet, valide contra illum probare, alioquin scriptum illud plena in auctoritate maneret. Si ergo pars maxima Christianorum qui rationibus nituntur, quibus intellectus repugnare nequit, de veritate librorum Sacri Fœderis, eorumdemque Auctorum, minime dubitavit; plane non video cur a paucis tantummodo, de istis dubitari possit, absque eo quod contraria proferantur valida argumenta.

Tertullianus asserit Librorum hujusmodi aliquot archetypa suo tempore extitisse: Judæi etiam & Pagani pro certo existimarunt, eorum esse Scriptorum, quorum nominibus insigniuntur. Julianus ipse qui Ethnicismum amplexus, Christianam Religionem

desce-

deferuit , contra quam librum edidit , a Cyrillo Alexandriae Episcopo confutatum ; ferox ille ac perfidus Apostata , qui accepto lethali vulnere , manu cruore repleta , in aera projecit , ut Christo blasphemaret ; fatetur Petri , Pauli , Marci , Matthæi , Lucæ , revera esse , quæ sub eorum nomine scripta legimus , quibus adjungendi Divus Hieronymus , S. Epiphanius , & Eusebius , qui authographum se vidisse testantur S. Matthæi hebraice conscriptum , quod octo circiter annis prodiit a morte Redemptoris , dum adhuc viverent miraculorum testes , quorum nemo contra obicere ausus fuit. *Vid. Bellarmin. de Scriptorib. Ecclesiast.* Sin vero hæc admittantur , jam omni-

bus Historicis credendum non erit, vel saltem Q. Curtii, T. Livii, Plutarchi &c. &c. ea esse, quæ eorum nomen præferunt, dubitare debemus.

Vera autem esse quæ sacris his Codicibus continentur, quisnam inficiabitur? Scriptorum probitas, & simplicitas, maxima morum suavitas, in eorum actionibus semper effulsit. Cur ergo pro deceptoribus habendi erunt? Quomodo Homines qui futuram a morte vitam, eamque æternam expectant, Deum simul mendacii vindicatorem prædicant, mendaciis ipsis æternam fælicitatem consequi posse sperabunt? Qui certo sciunt mendaces ab irato Iudice puniri, seipfos calamitatibus, periculis, martyriis, exponent,

ut

ut Christianam fidem propagent,  
 ac tueantur? Qui gloriosum hu-  
 mani generis benefactorum titu-  
 lum adipisci exoptant; qui ubi-  
 que veritatis ac pietatis studium  
 inculcant; nulla de causa seipfos  
 crimine falsi obstringent, eorum-  
 que Sectatores, sævissima tormen-  
 ta, & mortem pati permittent,  
 absque eo quod promissum in  
 Coelis præmium securi consequan-  
 tur? Non tantum apud bonos  
 omnes detestabile id fuisset, sed  
 Romanis legibus capite punie-  
 batur. Dum suadere Gentibus  
 tentant Apostoli evangelicam ve-  
 ritatem, atque Christianæ Legis  
 utilitatem; quæque publice re-  
 centerque contigerunt facta, cir-  
 cumstantiis omnibus adnotatis,  
 describunt; auctoritate, & gra-



tia non excident, si quæ narrant falsa deprehendantur? Non ultro fide digni fuissent, si scelera ista patrassent. Quis autem Apostolos scelestos audivit? Qua de causa verborum illecebris Populum illudere?

Respondebit forsan aliquis, Apostolos seductorum fallaciis passos se irretiri, aliosque propterea seduxisse. Si de metaphysicis rebus sermo esset, facile intelligo aliquem deludi potuisse, falsamque forsan prodiisse doctrinam; mens enim hominis dum subtilia meditatur, talibus aliquando viribus non viget, ut vera a falsis discriminet; sed de rebus hic agitur notoriis, quæ sensuum sub iudicium cadunt. Quem Populus agnovit Homo,

( XXIX )

publice occiditur, publice resurgit; tenebras ab ejus morte admirantur omnes per universam terram; terræmotus fiunt &c. Ubi autem seductionis suspicio in iis, qui cæcum vidisse affirmant, claudos ambulasse, Satanam a corporibus exiisse, mortuos surrexisse? Quæ omnia frequens Populus videt & admiratur.

Evangelica auctoritate Dæmoniacorum existentiam demonstravimus; inquirendum nunc erit, quomodo physice possit Diabolus in humana corpora agere.

Ubi experientiæ nitimur, disputationes & ratiocinia exulent necesse est. Tametsi modum ignoremus, experimur tamen, ad nutum, & voluntatem spiritualis substantiæ, animæ scilicet nostræ,

stræ, motus in corpore fieri. Ipsa autem anima, non immediate musculos movet, sed spirituum animalium ope, per nervos excurrentium id exsequitur. Cessante hinc elasticæ hujus materie ad partem aliquam influxu, cessat in illa motus, neque iterum reviviscere potest, nisi cessationis causa remota fuerit. Luculenter ergo constat, in humano corpore, solo animæ desiderio ac voluntate (quæ actio certe immaterialis est) membrorum motus excitari. Pari ergo ratione Diabolus corpora movere poterit, eorumque actiones vel recte perficere, vel etiam aliquando pervertere. Non omnia tamen in corporibus Satana potest, ejusdemque insidiis limites Deus

præscripsit. Primum vero ea agere nequit, quæ ordinem, viresque naturæ transcendunt, quæque tamquam miracula a Deo proficiuntur. Excluditur ergo Diabolus ab omnibus miraculosis effectibus, quia nullum jus habet in ordinem naturæ. Quoniam vero huiusmodi effectus interdum pro naturalibus habentur; præstabit ea quæ naturalia sunt, a miraculosis discernere, physicasque effectuum causas sedulo scrutari, priusquam de rebus judicemus. Rem exemplo elucidabimus. Agitur quæstio num Diabolus possit corpora humana ex uno loco in alium per aera transferre: quod quidem negandum: extra ordinem etenim naturæ, & verum miraculum foret,

ret, a Satanæ potestate alienum; nam cum specifica gravitate humanum corpus fluido aeris haud parum præponderet, juxta motus leges, deorsum tendere debet; Diabolus ergo vel corpori gravitatem tollere, vel aerem ita gravem reddere deberet, ut ipsius corporis specificum pondus excederet; quod idem foret ac rerum naturam immutare, verumque miraculum esset. *Vid. Tartarotti del congresso notturno delle Lammie Lib. 2. Cap. 1. §. 7. Et Baroni L'impotenza del Demonio &c. Rovereto 1753.* Pace id dictum volo Theologorum quorundam aliter opinantium, exemplo præcipue Salvatoris nostri a Satana advecti supra pinnaculum Templi: Ipse enim Christus ad tentatio-

nem sponte proficiscebatur, ut notavit Origenes: quamobrem *insequente Domino, non infirmitas, sed patientia: inducente Diabolo, non virtus, sed superbia. Baroni Lib. cit. cap. 10. pag. 124.*

Idipsum de Sagarum transvectione sentiendum est: fabulæ enim sunt, insomnia, & phantasticæ illusiones, quæ de his narrantur. Godelmannus in tractatu de Magis *Lib. 2. cap. 4.* de muliere Megopolitana verba facit, quæ in crimen vocabatur, quod conventiculis Sagarum sæpius interfuisset. Fidem rumori denegabat nobilis vir, cui mulier ista famulabatur; exploraturus tamen rem, placidis verbis famulam rogavit ut vera exponeret. Respondit demum eisdem

conventiculis revera interfuisse, crastinaque nocte ibi redituram fore. Herus interim, adscitis Parocho & domesticis, mulierem diligenter custodiebat, quid futurum spectaturus. Illa vero unguento quodam se illiniens, ab alto somno, nec illa nocte, nec postridie potuit excitari; expergefacta demum, una cum aliis veneficis in conventiculo se fuisse obstinate affirmabat, a Diabolo decepta.

Ut autem ad propositum revertamur, quomodo Diabolus in humanum corpus, & in animam ipsam agere possit, explicabimus. Dicimus ergo in intellectum & voluntatem influere quidem, sed mediis phantasmatibus, & corporis organis, quamquam hæ fa-

cultates prorsus immateriales sint. Quis autem Dæmonem in propria voluntate negabit, cum divinis Legibus adversas inclinationes, & ad peccandum stimulos persentit? Omne bonum a Deo est, malum vel a concupiscentia, vel a Diabolo, in his quæ conscientiam respiciunt. Quod autem ad phantasiam attinet, sicuti nulla impressio externorum objectorum in sensoriis fieri potest, nullaque idea in mente excitari, nisi spirituum animalium ministerio; Spiritus hinc tenebrarum, mille fraudibus & erroribus, hominum phantasiam tenebras offundit, spirituum motus variis in partibus turbando, variasque impressiones inferendo, unde variae sensationes, variae



quæ in mente ideæ insurgunt; quæ quidem insomnia Dæmoniaca, sive Satanæ influxus in phantasiam, merito dici possunt, qualia persæpe in maleficis mulieribus, cæterisque Dæmonum amicis accidunt, cum translationes, apparitiones, mutationes in varii generis bruta, & similia, revera contigisse obstinate credunt, nec errores hujusmodi ex eorum animo evelli patiuntur.

Varios etiam morbos in humano corpore a Diabolo excitari posse negari nequit, præcipue vero illos qui ab animalium spirituum præpedito, adaucto, vel quomodolibet perturbato motu originem ducunt, de quibus in sacris paginis mentio fit, maximeque sunt epilepsia, furores,

jæta-

( XXXVII )

jactationes, melancholia, convulsiones &c. Sanguinem quoque, cæterosque humores alterare Diabolus potest, varie scilicet fluida ista dirigere; nimis inspissare, vel dissolvere; augere, vel imminuere; qualitatem inficere; fibras etiam flaccidas, aut rigidas reddere, erodere, perrumpere; quibus modis nemo non agnoscit, morbis quamplurimis fores aperiri.

Proximum jam est, postquam Sacrorum Textuum auctoritate, Physicisque rationibus, Cacodæmonis in humana corpora potestatem ostendimus; ut Virorum etiam doctrina & integritate præstantium, observata quædam, & experimenta producamus.

( XXXVIII )

Joannes Fernelius, doctissimus vir, Henrici II. Galliarum Regis Medicus primarius, editis operibus celebris, ubi de abditis rerum causis agit *Lib. 2. Cap. 16.* Satanam scribit humana corpora variis modis vexare, nobilisque Juvenis morbum enarrat, miris convulsionibus laborantis, corpus tali celeritate, decies minimum quotidie, exagitantibus, ut vix a quatuor ministris decumbens cohiberetur., Quid est  
,, quæso, inquit Auctor, cur tam  
,, accommodatis remediis morbus non cessit? Quoniam omnes Medici longe aberamus  
,, a cognitione veri, nam mens  
,, se tertio, deprehensus est Dæmon totius mali auctor, voce, infuetisque verbis, ac sen-

» ten-

( XXXIX )

„ tentiis, tum græcis, tum lati-  
„ nis (quamquam ignarus lin-  
„ guæ græcæ laborans esset) se  
„ prodens. Is multæ assidentium,  
„ maximeque Medicorum, se-  
„ creta detegebat; ridens quod  
„ eos magno periculo circum-  
„ venisset, quodque irritis phar-  
„ macis pene jugulassent. Quo-  
„ ties ægrotum Pater accersebat,  
„ is procul a conspectu inclama-  
„ bat, arcete hunc, & ab in-  
„ gressu propulsate, aut torquem  
„ e cervice detraHITE: ex ea enim  
„ Divi Michaelis imago pende-  
„ bat, cujus Ordinis eques erat.  
„ Neque hæc, subjungit Auctor,  
„ ut nova profero, sed ut con-  
„ stet Dæmones variis & inau-  
„ ditis modis corpus laceffere,  
„ humores exagitare, noxios in  
„ prin-

„ principes partes traducere , vel  
 „ hisce venas aliosque ductus  
 „ obstruere, vel instrumentorum  
 „ structuram permutare ; quibus  
 „ ex causis innumeri morbi fiunt.

Joannes Langius Friderici II.  
 Imperatoris Archiater, in *Medic.  
 Miscellan. Lib. 1. epist. 38.* notatu  
 dignam historiam a se obser-  
 vatam refert in Agricola, qui  
 acutissimo dolore in hypocon-  
 drio laborabat. Agnovit ille cla-  
 vum ferreum inibi adeste sub il-  
 læsa cute, manuqueprehendit,  
 quem Chirurgus novacula exci-  
 dit: nec tamen dolores cessarunt,  
 sed magis indies increbuerunt.  
 Guttur hinc sibi, desperatus æ-  
 ger abscidit. Cadavere aperto,  
 adstante ingenti hominum fre-  
 quentia, lignum in ventriculo

teres & oblongum; quatuor ex chalybe cultri, partim acuti, partim ferræ instar dentati; & duo ferramenta aspera, reperta sunt, quorum singula palmi longitudinem excedebant.

Elias Camerarius, publicus in Tubingensi Academia Medicinæ Professor, & Archiater Wirtembergicus, in Libro cui titulus *Systema cautelarum medicarum* pag. 645. morbum describit ab Henrico ab Heers observatum in Puella, quæ aciculas, ligulas &c. vomitu rejecit. Addit vero clarissimus Auctor: „ Ri-  
 „ dent hodie plerique talia, ri-  
 „ deant vero, non tamen facta  
 „ temere explodent, quæ præ-  
 „ stigiis Dæmonum non male  
 „ adscribuntur: & *ibid.* pag. 619.

„ Vis Diaboli, & Magiæ adeo  
 „ hodie contemptim habita, a  
 „ Medico prudenti non plane  
 „ negabitur, sed nec temere u-  
 „ bique admittenda.... non li-  
 „ cet adeo promiscue cum Mo-  
 „ dernis, fascinationes in uni-  
 „ versum omnes tamquam fabu-  
 „ losas rejicere, ubi maxime pe-  
 „ regrina ex corpore, miris mo-  
 „ dis excluduntur; vix risum  
 „ contineas, si per mechanismum  
 „ in corpus immissa, & protru-  
 „ sa, cum nupero Philosopho  
 „ Gallo audeas operose adstrui,  
 „ ac speciose deduci! „ Maxi-  
 „ ma quidem admiratione capere-  
 „ tur, si adhuc viveret illustris Ca-  
 „ merarius, Dissertationem perle-  
 „ gendo, haud ita pridem a clariss.  
 „ Valcarengo Ticinensi Professore

editam, qua probare adnititur, acus, ferrea, vitreaque non exiguae molis fragmenta, a Sacra Virgine Cremonensi, iterato per vomitum rejecta, minime a Dæmonum præstigiis repetenda fore.

Fridericus Hoffmannus, Borussiae Regis Archiater, Scriptor insignis, in *Opusc. Physic. var. Dissert. IX. §. 24.*, singularem narrat casum, qui anno 1685. Jenæ contigit. Uxor cujusdam Lannii, caput vitulinum inter alia venale habebat: quod cum vetula quædam licitaretur, recusavit altera minori quam par esset pretio vendere. Vetula illinc obmurmurando abiit, acciditque ut venditrix magno capitis dolore cruciaretur, quo in dies aucto, Dominus Slevogtius, Publicus



in illa Universitate Medicinæ Professor, in consilium vocatus fuit. Inutilia fuere propinata remedia, cum omnia in ægrotante præter naturæ ordinem fierent; excernebat enim quotidie ægra magnam cerebri copiam per aures sinistram, nullo apparente vulnere, aut ruptura. Habebatur tale excrementum pro cerebro humano; at re diligentius considerata, & a doctissimo præsertim Stahlio perpenſa, agnoscebatur vitulinum esse, idque eo certius, quo citius multa etiam officula caput vitulinum constituentia, ejiciebantur. Fecit Satanas hos ludos per aliquot menses, quibus elapsis, Uxor Lanionis integre convaluit.

( XLV )

Instar vero omnium, testem sapientissimum adhibebo, celeberrimum Van-Swieten, Augustissimi Romanorum Imperatoris, & Imperatricis Consiliarium, & Archiatrum, gravi literariæ Reipublicæ damno, meique potissimum, qui sæpe hoc oraculum, dubiis in rebus consulebam, nuper vita functum; cujus verba ex commentariis ad Boerhaavium §. 1072. fideliter transcribam.

„ An autem absolute negari potest, quod morbus ille (Epilepsia) unquam a causis supernaturalibus productus fuerit?  
„ Certe non videtur; nam puer ille epilepticus, de quo præcedenti paragrapho dictum fuit, sanatus fuit ab adorando Salvatore, expulso Dæmonio.

„ Pro-

„ Probe novi, summos in arte  
 „ viros statuere, a causis natu-  
 „ ralibus hunc morbum produ-  
 „ ctum fuisse; & æque stupen-  
 „ dam esse sanationem tanti mor-  
 „ bi, ab infantia jam affligen-  
 „ tis, quam Dæmonis expulsio-  
 „ nem; sed certe huic opinioni  
 „ mihi parum favere videtur ipse  
 „ textus, qui sic legitur: „ *Ob-*  
*jurgavit spiritum illum impurum di-*  
*cens ei: Spiritus mute, & surde, Ego*  
*tibi impero: exi ab eo, & ne am-*  
*plius ingrediaris in eum. Et clamans*  
*(Spiritus) & multum discerpens illum*  
*exivit.* „ Discipulis postea priva-  
 „ tim interrogantibus, cur non  
 „ potuerint ipsi ejicere illum spi-  
 „ ritum, respondit: „ *Hoc genus*  
*in nulla re potest exire nisi in oratio-*  
*ne, & jejunio.* „ Solebat autem  
 „ Chri-

( XLVII )

„ Christus Discipulis suis ( ut ex  
„ pluribus Sacrae Scripturae locis  
„ patet ) postea exponere , quæ  
„ hominum auscultantium tur-  
„ bis dixerat , & quæ non fa-  
„ tis intellexerant : jam autem  
„ talia illis dicit , quæ manife-  
„ ste firmarent illam opinionem ,  
„ quam habebant , quod a malo  
„ Spiritu morbus miseri illius  
„ pueri productus fuerat . Certe  
„ Dæmoniacy illi de quibus le-  
„ gitur in Sacris : „ *Matth. cap. 8.*  
*vers. 28. & seq. Marc. cap. 5. vers.*  
*2. Luca cap. 8. vers. 27. „* habe-  
„ bant talia symptomata , qua-  
„ lia in Maniacis observantur ,  
„ sed diserte in textu asseritur ,  
„ Dæmones egressos fuisse de  
„ miseris illis , & venia impe-  
„ trata , abivisse in gregem por-  
„ co-

( XLVIII )

„ corum, qui mox furibundi,  
„ de præcipitio in mare ruerunt.  
„ An potest ille textus ullo mo-  
„ do intelligi de melancholico  
„ delirio, aut mania a causis na-  
„ turalibus nata? Hinc patet mor-  
„ bos eosdem, quos a causis na-  
„ turalibus nasci novimus, etiam  
„ a supernaturalibus productos  
„ fuisse. Vidi innocuum qua-  
„ driennem puerum, qui simu-  
„ lac orationem Dominicam re-  
„ citare incepisset, convelleba-  
„ tur illico; & simul tantum ac  
„ tam horrendum clamorem ede-  
„ bat, qui ejus vires longe su-  
„ perare videbatur: interposito  
„ aliquot minutorum intervallo,  
„ iterum rogavi Aviam, quæ  
„ puerum ad me adduxerat, ut  
„ juberet puerum easdem preces  
„ repe-

( XLIX )

„ repetere , idque in quartam vi-  
„ cem usque, semper eodem cum  
„ successu; & licet eventum præ-  
„ vidissem jam, ac animum ob-  
„ firmarem; non potui impedi-  
„ re, quin, audito hoc clamo-  
„ re, horrerem totus, quamvis  
„ me non adeo pusillanimum cre-  
„ dam, ut a levioribus facile  
„ movear. Licet autem scrupo-  
„ loso examine omnia expende-  
„ rim, non potui vel minimam  
„ malæ fraudis suspicionem ha-  
„ bere. Videtur hinc prudentis  
„ Medici esse, non semper &  
„ statim, ubi inusitata in mor-  
„ bis symptomata apparent, ad  
„ causas supra naturam positas  
„ refugere; neque etiam impos-  
„ sibilia pronunciare illa, quæ  
„ facta fuisse certo novimus. „

Quamplurimas hujusmodi historias narrare possem ex Benivenio, Sennerto, Timæo, Mercklino, aliisque fide dignis doctissimisque Medicis Auctoribus excerptas: quas autem descripsi, ad rem nostram sufficere possunt. Cur etenim plura scribere, si præstantiorum in rebus physicis Virorum testimonia jam adduximus? Cuinam, quæso, recte judicanti, æquum non videbitur, plenissimam istis fidem adhibendam fore?

Coronidis loco, quæ ego circa Dæmoniacos vidi, subnectam. Cum adolescens, studiorum causa, in Casertæ Collegio prope Neapolim essem: ejus Collegii Rector, Reverendus Carolus Pellegrini, sæpe Energumenos exorciza-

cizabat. Frater meus, qui illius Dioecesis Episcopi Vicarius generalis erat, exorcismis aliquando intererat; nunquam vero certam occasionem credendi habuit, exorcizatos revera Diabolo obsessos fuisse; qua de causa Rectorem admonebat, ne ita facile falsis Dæmoniacis auscultaret. Accidit interea, ut Rector Fratrem meum invitaret, ad villicum Satana obsessum audiendum, qui alphabeti quamquam ignarus, latine loquebatur. Accedo cum Fratre ad S. Januarii, Collegio adnexam Ecclesiam, ubi & alii Sacerdotes, Convictoresque, nobiscum aderant, præstigia miraturi. Ezorcizat Rector; villicus vero vel penitus silet, vel incongrua respondit. Iteratis præce-



ptis, latinis verbis negat obedire. Frater tunc meus in suspicionem aliquam veniens, Rustico, latine loquendo, jubet, ut Evangelium quod in festo Divi Michaelis occurrit, in Missali reperiat. Recusavit objurgans, variaque *latine* respondit, antequam obediret. Tandem vero, non sine maxima adstantium omnium admiratione, paginam in clauso Libro indicavit, ubi Evangelium adamussim repertum est. Quisnam autem Diabolum hic adfuisse negabit? De Ecclesiæ in eum potestate quis dubitabit?

Ordine nunc sequitur ut indicemus, quomodo se gerere debeant Sacri Exorcistæ, antequam de obsessis judicium proferant;

faci-

facile enim evenire potest, ut verum illud comperiatur, quod a Sapientissimo Pontifice Benedicto XIV. scriptum fuit in aureo opere: *De Serv. Dei Beatificat. Lib. 4. part. 1. cap. 29. n. 5.* „ verisimile „ esse plurimos eorum, qui Dæ- „ monis opinione ad Exorcistas „ deferuntur, Dæmonem non „ habere, sed morbis aliquibus „ teneri, & præ inopia consilii, „ cum tentatæ sint aliæ curatio- „ nes antea, nec sufficiant, de- „ ferri ad illos. „ Et quidem alii circa hæc nimis credunt, alii nihil; utrosque hinc graviter errare sentiendum, uti confirmat doctissimus Le Brun in *Tom. I. Hist. crit. de pratiq. superst. cap. 3.* his verbis: „ On peut diviser la „ plûpart des Hommes en deux  
clas-

( LIV )

„ classes . Les uns sont portez a  
„ croire sans preuve tout ce qu'  
„ on leur dit d'extraordinaire ;  
„ les autres s'obstinent à le re-  
„ jeter , malgré tous les testi-  
„ moignages qu'on leur appor-  
„ te . Voilà les deux sources des  
„ erreurs des Hommes , par rap-  
„ port à l'existence des effets sur-  
„ prenans , & voilà aussi les deux  
„ écueils , que nous devons evi-  
„ ter , pour parvenir au discer-  
„ nement que nous cherchons , ,  
Ne autem in scopulos istos Sacri  
Ministri incidant , necesse erit ut  
naturam ipsam , ejusdemque po-  
tentiam & actiones intelligant ,  
quæ in statu hominis sano ac mor-  
boso , multiplici de causa inter-  
dum ludere solet . Docti ergo  
Medici consilio indigebunt : non  
enim

enim sufficere poterit ut artem e libris ediscant, vel naturalem philosophiam calleant, ut opinatur Baruffaldus *in Comment. ad Rit. Rom. tit. 90. n. 22.*, & P. Candidus Brognolus *in Manual. Exorcistar. part. 1. cap. 2. art. 4. q. 3. §. 2.*, sed ægritudinum naturalium causas agnoscant oportebit, qui difficillimis istis in rebus, æquum debent judicium proferre.

Signa quamplurima quæ falsos Dæmoniacos discernere docent, in V. ac XV. Tomo Rationis medendi occurrunt clariss. De Haen, Cæsarei Consiliarii & Archiatri, integerrimi, doctissimique Viri, cujus amicitia, pluribus ab hinc annis, immeritus fruor. Sicuti vero opera  
isthæc,

isthæc, septendecim usque adhuc in tomos distributa, de medicis potissimum rebus agunt, gesta-que continent, quæ Augustissimæ Imperatricis jussu, in Vienne[n]si Nosocomio quotidie adnotantur; minime ideo expediret Sacri Evangelii Ministris tot libros coemere. Ad eorum ergo instructionem quidquid Auctor circa Dæmoniacos inibi habet, e re erit exponere.

Nulla re turpius decipimur, inquit celeberrimus De Haen, quam epilepsia & convulsione fictis. Vix morbus datur, quem & frequentius, & artificiosius simulare Mendici norint, ut transeuntium animos in commiserationem commoveant. Pueri, ac Puellæ, hanc vafram fingendi

( LVII )

artem a se mutuo discunt, ne vapulentur, vel ut mollius tractentur, vel ut nihil cogantur addiscere. Matura Virgo forte audivit a garrientibus inter se Matronis, epilepsiam matrimonio nonnunquam curari; ergo eam artificiose fingere discit, quo cogat Parentes se viro jungere. Monachus quo a choro, a jejuniis, aliaque monasticæ vitæ asperitate se vindicet, se fingit convulsum. Tandem etiam in scenam Diabolus adducitur, quo intentione varia, obsessos se fingunt. En aliquot exempla.

Adducebatur ad clariss. De Haen Puella, gravi auditu laborans, quo restituto, convulsiones suboriebantur, quas hoc ordine contingere, Mater narrabat. In-

cipiebat tremere Puella , angi ,  
 anhelare , clamare , brachia to-  
 tumque corpus agitare , pollices  
 fortiter intra pugnos firmare , vo-  
 ciferari , cantare , ore tandem pro-  
 ducere spumam . Principio bis ,  
 ter , quavis die id contigisse af-  
 firmabat : jam autem quavis fere  
 hora . Puellam in Nosocomio  
 servari jussit D. De Haen , com-  
 modo suo morbum examinatu-  
 rus . Vidit illam eadem die in  
 lecto decumbentem , convulsam ,  
 pollices adeo fortiter intra pu-  
 gnos firmantem , ut maxima vi  
 solvere , vix valeret . Oculos hor-  
 rende agitabat . Dolum autem  
 subesse suspicabatur . 1°. Quod  
 oculi durante paroxismo , non  
 connivendo , sed sano prorsus  
 modo aperirentur . 2°. Quod pul-  
 sus

( LIX )

sus fere naturalis esset. 3°. quod cortinis lecti clausis, pupilla dilataretur; vicissimque apertis, contraheretur. 4°. Quod pupillæ ad-mota candela, vividissime se contraherent, & Puella quasi nocu-mentum inde percipiens, caput rotaret. E lecto igitur statim exe-mi iussit D. De Haen; cum ve-ro se cadentem fingeret, Custos ægrorum, minis intentatis, ere-ctam servavit, baculo quasi vi-brante, munitus. Convicta de-mum Puella fatebatur, & surdi-tatem olim, & nunc epilepsiam finxisse, ne cogeretur munus an-cillare obire, cui eam Mater de-stinaverat.

Astutior Adolescens, vafri-tie sua clariss. Auctorem pluri-bus diebus illudit. Mirifice con-



vellebatur toto abdomine, vehementerque singultiebat. Detentus aliquot diebus in Nosocomio, congruisque remediis sanatus, Parentibus redditur. Vix vero ad domum reversus, repetunt paroxismi, & a Matre in Nosocomium reducitur. Fucum suspicatus Archiater, privato cum cubiculo includi jubet, ubi se solum credens, tranquille sedebat, adstantibus vero per rimam intuentibus, & intrantibus, in convulsiones, singultusque relabebatur, illis egressis, iterum sedatus. Veritatem denique fateri coactus, ideo hæc simulasse confessus est, ut a Magistro, apud quem carpentariam artem discere cogebatur, dimitteretur, ædibusque reciperetur paternis.

( LXI )

Plures foeminas quas a Diabolo obseſſas vulgus non modo, ſed Sacerdotes jurabant, Auguſtiſſima Imperatrix ad Noſocomium deferri jufferat examinandas. Examinavit ill. De Haen, eo munitus principio, quod homines a Dæmonibus revera obſidentur, ut invictis argumentis ex novi Teſtamenti Libris, ex Eccleſiaſtica, & Sanctorum Patrum doctrina, indubitatiffimum eſt; ſed ſimul pro comperto habens, quod ſæculis recentioribus, præſertimque corruptiſſimo noſtro, millenæ fingantur fallaciæ, quas utinam ſimpliciores Exorciftæ haud ita foverent! Ut autem hujusmodi fraudes detegeret clariff. Vir, ægrarum cuſtodes, magna aquæ amphora mu-

nitos, circum Energumenas ita disponebat, ut mox, dum audito Dei vel Sanctorum nomine, fictus Diabolus corpora pro more agitare, integram amphoram, unico ictu in faciem pectusque profunderent, idque ita, ut si ad primam profusam insultus non cessaret, suam ordine omnes evacuant. Sed cum intelligerent convulsiones hanc sortem habituras esse, integre sanæ apparuerunt Dæmoniacæ.

Nemo, confidit cl. Auctor, in eum indignabitur, quod rude experimentum tentaverit. Aliis etenim argumentis plane convictus erat de nefanda fraude. Ad exhibitam v. g. Sanctæ Crucis imaginem, aliasque res sacras, convulsiones excitabantur: invo-

lutis vero iisdem, ut quid essent non adpareret, nullo modo furebat Diabolus. Idipsum contingebat si vel aqua lustrali, vel communi, corpora aspergerentur. Nisi ergo ad hominum dolos & vafritiam, Medici se cautos prestant, & artem & seipsos ludibrio exponent. Haud ita pridem (prosequitur clariss. De Haen) Foemina aderat, quam ipse Confessarius tanta religione pollere, tanto eminere pietatis exercitio, asserbat, ut si Sancti in hac tellure haberentur, hæc saltem sancta habenda foret. Anxietatibus, & plane singularibus faciei convulsionibus, viciniam totam in commiserationem ducebat. Illa ergo in Nosocomium recepta fuit, & bona fide aliquantisper dece-

ptus

ptus Dominus De Haen, tandem attentior in rem, pulsum detexit & ante insultum, & sub insultu, postque illum, semper optimum esse. De prostrato prorsus appetitu ægra conquerebatur, suam vero cibi portionem avidè abliguribat., Doli & hypocriseos suæ per aquam convicta, convulsiones non redierunt.

Elapso nuper anno 1773. Sutor viam diu quæsitam invenit, libellum supplicem in Augustissimæ Imperatricis ac Reginae manus tradendi, quo Ejus erga se (quem & pauperies, & obsessa a Dæmone uxor dire premerent) misericordiam excitaret. His intellectis, Augustæ nota singulis sagacitas, verique amor, eo Ejus animum impulerunt, ut juberet

hanc

hanc foeminam Linzio Viennam transferri, & in Nosocomio examinandam sisti. Nosocomium ergo inferebatur die quinta Junii. Tribus quatuorve horis cum illa occupatus D. De Haen, testis loquitur autoptes. Mox illata in Nosocomium maledixit benignissimo Servatori, Augustissimæ Imperatrici, iisque, qui eam Viennam duxerant. Reposita in lectum, horrende se contorquere coepit, oculos in omnem partem rotare, ut plerumque nihil, nisi eorum album, sed perpetuo motum, convulsamque, adpareret. Omnes faciei muscoli convellebantur. Collum novit ita in humeros, & præcipue in dorsum flectere, ut mirum videretur. Interea vociferabatur, cantilenas

canebat aut germanicas, aut in-  
 condito sermone, quasi exoticam  
 linguam æmulari conata. Ad hæc  
 cepit corpus in semicirculum a-  
 gere, caput ac pedes lecto figens,  
 ventrem in altum extollere: mox  
 extendere sese, & altitudine aut  
 pedis, aut sesquipedis, totum  
 corpus in sublime conjicere; id-  
 que haud minus celeriter, quam  
 frequenter: forte vigesies, trige-  
 sies, & sæpius sine interposita  
 quiete; post momentum quietis,  
 idem repetivit, moxque demum  
 imprecationes in Deum, in Agu-  
 stissimam, in Maritum, & hoc  
 modo ultra horam continuavit.  
 Interea temporis & Rosarium,  
 & Sanctam Crucem in manu ha-  
 bens, ter in terram indignabun-  
 da projecit, terque redditam, oscu-  
 lata

( LXVII )

lata & amplexa est, imo veniam a Deo rogavit, moxque iterum maledixit, monens adstantes, mox iterum in se Diabolum loqui. Has & alias gestulationes edidit, pulsu ac respiratione semper post agitationes, naturalibus. In prandio ac coena comedit bene, quamvis a Diabolo deglutionem sibi impediri diceret. Ab opii grano, sex horis tam bene dormivit, ut ronchus audiretur. Expergefacta, Rosarium aliasque preces, flexis genibus recitat. His absolutis, paroxysmum repetit, maledicit Deo, veniamque ab illo petit &c. Fuci gnarus clariss. De Haen, aqua experimentum fieri jubet, Dæmonem fugat, & quæ quindecim annorum spatio mulier a diabolico



( LXVIII )

insultu libera non fuit, jam ab hora nona matutina diem hanc, & alteram, & tertiam transegit tranquille, rationabiliter, devote. Familiariter, blandeque cum illa confabulatus, conatus est eam convincere quod non esset a Diabolo obfessa, nam per auxilia aquæ, malum cessavit, quod si a Diabolo natum esset, minime cessaturum fuisset: hæc cum ægre admitteret, post mediam noctem malo suo leviter affici cœpit: audiens vero curam aquæ repetendam mox fore, tranquilla ad horam sextam fuit: tunc vero gesticationes iteravit, ex lecto profiliit, capiti innixa in pavementum, totum corpus in anteriora, ut pueri solent, projecit, lateraliterque se per cubiculum

cir-

( LXIX )

circumvolvitur &c. Blando a cl. De Haen sermone, in serium, minantemque verso, composuit se, biduoque exinde, nihil ultra contra decus, contra rationem, contra bonos mores gessit. Rerum actarum gnara Augustissima Imperatrix, ne consuetæ D. De Haen ægrorum demonstrationes in Nosocomio turbarentur, mulierem ad illud D. Marci duci iussit, in quo recusavit primo suæ vafricie rationem, causamque fateri; tenuissimo tandem victu coacta, confessa est se obsessam simulasse, tum ut Maritum vexare continuo posset, tum ut sibi elemosynas corraderet: artificium autem hoc a Militis uxore se didicisse.

Tametsi vero aquæ experimento fucus in descriptis falsis energumenis detectus fuerit: historiam tamen narrat idem clariss. De Haen. *Rat. med. Tom. V. cap. 4.* scelestissimæ foeminæ, quæ in carcerem coniecta, quod vetulam occidisset, epilepsia laborare simulavit, & a Chirurgo veritatem exploraturo, inuri sibi manus tranquille toleravit, itaut nemo de falsa epilepsia dubitaret. Illa tamen a Præside, Decano, aliisque Medicæ Facultatis Professoribus, supremo jussu examinata, simulasse semper asseruit, faciliq; animo ignem pertulisse, cujus tres fædas cicatrices in manibus ostendebat.

Omnium vero instar, notatu digna videtur singularis historia,

ex duobus celeberrimis Scripto-  
ribus excerpta , Thuano , *Tom. V.*  
*ad annum 1599. pag. 869. & Me-*  
*zeræo. Tom. III. pag. 1224. edit.*  
*Parif. anni 1685.*

Jacobus Brofferius pannificii  
sui, rusticique laboris pertæsus,  
circulatoriam vitam prætulit, at-  
que cum tribus filiabus, quarum  
Martha a Dæmone obsessa dice-  
batur, vagabunde varias Urbes  
adivit, ut suam cum filia Martha,  
comædiam luderet. Cum vere  
obsessam eam crederent Sacerdo-  
tes, exorcizarunt quidem Dæmo-  
nem, sed illa exorcismos omnes  
eludit. Cum vero ab Aureliæ Ec-  
clesia fraus detecta foret, alior-  
um aberrandum erat; Andega-  
vum ergo petit, cujus Urbis An-  
tistes Carolus Miro, ficta ne an

vera res esset , variis modis explorare tentavit. Aqua benedicta Diabolus ferocire visus est, aqua communi minime: permixta (Martha inficia) aqua, ad communem fremuit, ad sacram minime. Exorcismorum librum afferri, jubente alta voce Episcopo, dum clam profanum quemdam tradi sibi curasset, afferuntur Virgilii Æneidas: Magno tunc apparatu, veluti exorcizaturus, legit: *Arma virumque cano* &c., & mox immanes, & horrendas convulsiones Martha finxit. Patrem hinc & Filiam vehementer reprehendit Prælat, & domicilium antiquum, laboremque repetere jussit. Cum vero salutare istud consilium sceleratissimis his hominibus displi-

( LXXIII )

ceret , Parisiis , urbe populosissima , se majorem fidem habituros arbitrati , mox illuc appulerunt , & ad S. Genovevæ Templum , primam scenam luferunt , eaque cum arte , ut plebs , & potissimum Rev. Patres Capucini , quos inter Pater Seraphinus eminebat , Martham a Diabolo indubitato obsessam asseverarent . At vero Eminentissimus Cardinalis Gondius , Parisinorum Episcopus , foeminam quinque celebrioribus Medicis examinandam tradidit : Michaeli Marefcotto , Nicolao Ellanio , Joanni Altino , Joanni Riolano , & Ludovico Dureto . Cum neque latine , neque græce interrogata , quidquam intelligeret , sed gallice tan-

K

tum ;

tum; responderunt Medici nihil a Spiritu, multa ficta, pauca a morbo esse.

Postridie Duretus cum Ellanio, infixa inter pollicem & indicem acu, an sensu doloris Martha tangeretur, tentare voluerunt: cumque ad ictum vafra mulier non tremisceret, petunt illi Collegas advocari, & in crastinum rem differri. Kalendis igitur Aprilis, magna omnium expectatione, a Patre Seraphino exorcismi repetuntur; ad quos Martha oculos rotans, lingua exserta, & contortis membris ac toto corpore, exhorrescebat: tum ad hæc verba: & *Homo factus est*, supina defultura, veluti exossato corpore fluctuans, ab altari ad valvas

facelli erepsit: qua re perculsis adstantibus, Pater Seraphinus commotior exclamavit: *Si quis sit adhuc incredulus, hic Spiritum intus agentem sistat, & vitæ periculo cum eo luctetur!* Heic Marefcottus nihil nisi fictum videns, & imposturam non ferens; ego, inquit, *periculum in me recipiam: Spiritus si potest, me validiorem ferat.* Quibus dictis; statim contra obluctanti, manus in cervicem iniicit, eamque consistere jubet. Martha ubi se captam vidit, cum se amplius commovere non posset, ut imposturam tegeret, Diabolum abiisse, seque reliquisse, respondit.

Multo dein fermone, Thuanus refert, agitatum negotium, & inter hos Medicos fuisse, &



tum; responderunt Medici nihil a Spiritu, multa ficta, pauca a morbo esse.

Postridie Duretus cum Ellanio, infixam inter pollicem & indicem acu, an sensu doloris Martha tangeretur, tentare voluerunt: cumque ad ictum vafra mulier non tremisceret, petunt illi Collegas advocari, & in crastinum rem differri. Kalendis igitur Aprilis, magna omnium expectatione, a Patre Seraphino exorcismi reperuntur; ad quos Martha oculos rotans, lingua exserta, & contortis membris ac toto corpore, exhorrescebat: tum ad hæc verba: & *Homo factus est*, supina desultura, veluti exossato corpore fluctuans, ab altari ad valvas

facelli erepsit: qua re percussis adstantibus, Pater Seraphinus commotior exclamavit: *Si quis sit adhuc incredulus, hic Spiritum intus agentem sistat, & vite periculo cum eo luctetur!* Heic Marefcottus nihil nisi fictum videns, & imposturam non ferens; ego, inquit, *periculum in me recipiam: Spiritus si potest, me validiorem ferat.* Quibus dictis, statim contra oblucenti, manus in cervicem iniicit, eamque consistere jubet. Martha ubi se captam vidit, cum se amplius commovere non posset, ut imposturam tegeret, Diabolum abiisse, seque reliquisse, respondit.

Multo dein fermone, Thuanus refert, agitatum negotium, & inter hos Medicos fuisse, &

inter quinque alios, qui prioribus suffecti erant; præcipue quia contrario experimento Martha nunc quibusdam visa erat anglice ac latine loqui; quos tamen omnes refutabat egregie Mare-scottus. *Vid. pag. 869. 870. 871.*

Interim Henricus IV. metuens ne forte hæc præstigiatrix adhiberetur, ad tumultus contra recens Nannetenſe edictum concitandos, rem ſupremo Pariſienſi Senatui dijudicandam tradidit. Exacte Martham eſſe quadraginta dierum ſpatio obſervandam, Senatus edixit, ſerioque a præcipuis Urbis Medicis examinari. Hi vero *nihil præternaturale ſubefſe* teſtati ſunt. Hinc Senatus, tumultum metuens, eoque propiorem,

quo-

quo Templorum suggesta de violatis Ecclesiæ privilegiis , Hæreticorumque prædominante consilio , fortius resonarent ; hanc erabundam familiam suam in domicilium remisit, Patri poena corporali indicta , si Martham egredi domo , citra loci Judicis veniam , sineret.

At vero necdum finita res fuit. Vir nobilissimus ac reverendissimus Alexander Rupi Fulcaudius, Sancti Martini Abbas , frater Cardinalis hujus nominis Claromontii Episcopi , forte a Fratre instigatus , Martham Avenionem primo , deinde Romam duxit , spe fore , ut autoritate Patrum Societatis , hæc foemina , contra Gallorum Episcoporum , & præcipue

( LXXVIII )

cipue contra sæcularis potestatis sententiam, vere Dæmoniaca pronuntiaretur. At vero & res Societatis postulavit, ne huic negotio se immisceret, quo facilius Rex, qui eam de Gallia pulsa-  
verat, ad ejus reditum commoveretur. Summus vero Pontifex Clemens VIII., totius imposturæ jam gnarus, omne tentamen suppressit. Miserandus autem Abbas, toto negotio explosa, ludibrio habitus, veniam a Rege petiit, non obtinuit, brevique moerore confectus interiit. Martha, ejusque Pater, misere postmodum vixere, ac periire.

Ex dictis colligendum, certiora Dæmoniacæ obsessionis signa nos habere. 1°. Si peregrinis

( LXXIX )

nis linguis ignarus homo varia loquatur, & interroganti respondeat. 2°. Si abscondita, vel etiam quæ in remotis locis acciderunt, revelet. 3°. Si secretis Sacrorum Ministrorum Exorcismis obediat. 4°. Si magna, infueta, horribilis vox, e pauculis pueri organis, ut clar. Van-Swietenus observavit, prodeat. 5°. Si morbosa præternaturalia symptomata in corporibus adpareant, v. g. cerebri vitulini, ut Hoffmannus retulit, copiosa excretio: cultrorum, clavorum, lignorum &c. incongruæ molis, in ventriculo aut alibi existentium, per vomitum, aut per anum ejectio: repentinus, & magnus in aliqua corporis parte ite-

( LXXX )

ratus tumor, subitaque pariter  
iterata detumescencia &c. Quæ  
quidem indicia, vel hujusmodi  
alia, si diligenter a sacro Exor-  
cista, & cum opus fuerit, a pe-  
rito etiam Medico, scrutentur;  
Catholicæ Ecclesiæ, Sacrorum-  
que Ministrorum decus, perpe-  
tuo servabitur.

---

---

F I N I S.

---

---

( LXXXI )

CELEBERRIMI VIRI  
ANTONII DE HAEN

SACRA, CASAR. REG. APOSTOL. MAJEST. CONSILIAR., ET ARCHIAT.  
MEDIC. IN VIENNEN. UNIVERSIT. PROFESS. PRIMAR. &c.

EPISTOLA AD AUCTOREM.

---

VIRO CLARISSIMO, AMICISSIMO  
D. JOSEPHO BENVENUTI

S. P. D.

ANTONIUS DE HAEN.

*M*itto Tomum II. Rationis medendi continuatæ, cujus Pars I. de Variolis est, quam germanice verti, ut infima plebs, aut Medicum ad variolas vocare non solita, aut indoctum nata, bonam per se noscat methodum agendi: qua ipsa de causa AUGUSTA, vera Populi sui Mater, quingenta exemplaria curavit distribui per omnes Vicos, & Pagos Austriæ.

In Tomo XV. vidisti quid censeam, quidque agam cum Dæmoniacis; in hoc de  
L Ma-



( LXXXIV )

*tem confutarem. Verbis ibi præcipue tuis, modum Sacris Exorcistis indicavi, quo ab Impostoribus cavere queant. Tabido quo vivimus sæculo, Pseudophilosophi abundant, qui dum insipiunt, sapientes se credunt. Indubias contra istos auctoritates attulisti, ac novemdecim objectionibus talia dedisti responsa, ut nisi inutilibus verbis, Tibi se opponere quisquam possit. Rem totam plenissime enucleasti, absque eo quod nimis Te credulum præbeas: quin Magos, ac Sagas rarissime occurrere: maxima hinc cautione de istis judicandum esse, sapienter monuisti: quod exemplo confirmas: cum enim AUGUSTA IMPERATRIX anno 1758. tres Fœminas pro Sagis habitas, rogoque destinatas, ex Croatia Regno Vienneam transferri jussisset, ut tuam, & Illust. Van-Swieten opinionem audiret: criminis eas expertes declarando, a mortis limine revocastis.*

*Dissertationem meam de Dæmoniacis, una cum aliis a me editis Opusculis, brevi ad Te mittam. Vale diu felix, doctissime De Haen, meque ut soles ama.*

*Scribeb. Lucæ VI. Kal. Octob. 1775.*

2  
PHILIPPI MARIE RENAZZI

ADVOCATI ET ANTECESSORIS

ROMANI

DE

SORTILEGIO ET MAGIA

LIBER SINGULARIS.

---

Macuspices Sagasque, quæ utraque genera vana superstitionis rudes animos  
ad flagitia compellunt, ne admiseris.

*Columella de re rust. Lib. I. Cap. VIII.*




VENETIIS

---

ANNO MDCCLXXXII.

*Excudebant Fratres Coletii.*



# TYPOGRAPHUS

## LECTORI S.

**C**Um nuper Libri hujus Exemplar Ms.; quod in cuiusdam docti Viri manus forte pervenerat, mihi legendi exscribendique copia facta fuerit, statim consilium cœpi illud typis meis evulgandi, non solum Clarissimi Auctoris celebritate motus, sed etiam illectus natura argumenti, cujus nova, brevis, dilucida ac solida tractatio ad improba Calliostri aliorumque huic similium Nebulonum detegenda præstigia, atque ad præjudicatas plurimorum hominum evellendas opiniones nostra hac etiam ætate quam maxime opportuna esse videtur. Id porro mea procul dubio Te monere, tua fortasse scire Lector intererat. Vale.

# PRÆFATIO.

---

**E**st gravis illa sane, perdifficilis, ac periculi plena tractatio, quæ de Sortilegio & Magia suscipitur. Etenim haud ullæ ferme res sunt, circa quas tot tamque discrepantes in vulgus proditæ atque ad nostram usque ætatem propagatæ sint hominum opiniones, & de quibus Scriptores fusius omni ævo disputaverint, vebementiusque dissenserint. Quod si quis consuluerit quæcumque de Sortilegio & Magia in utramque partem disceptata scriptaque sunt a viris non solum leviter eruditis, sed etiam gravissimis atque doctissimis: ille profecto ex longa molestaque narrata opera aut nihil, aut parum adeo proficiet, ut iis jure ac merito cum Comico (1) objicere possit:

Fecistis probe,  
Incertior sum multo, quam dudum.

*Ac in tanta quidem discrepantia opinionum Scriptorumque diffensione, quid nobis de Sortilegio & Magia hoc singulari libro differere instituentibus reliquum esse videtur, quam ut quod ab aliis fuse obscureque pertractatum est, id breviter atque dilucide exponamus, & nostro more nullius addicti jurare in verba Magistri scopulos omnes solertissime declinemus, in quos incidere ut plurimum solent quicumque*

---

(1) Terent. Phorm. II. 4. v. 18.

*que de bujusmodi argumentis sive loqui sive commentari  
adgredimur. Quæ quidem omnia an bene feliciterque præ-  
stiterimus, æqui doctique Lectores, quibus diuturni nostri  
maximique in criminali jurisprudentia expurganda, perpo-  
lienda, atque enucleanda impensi labores, Studiosis fructuosi,  
Reique publicæ non inutiles visi sunt, dijudicabunt.*



## LIBRI CONSPECTUS.

- Cap. I. **S**ortilegii etymon, atque definitio.
- Cap. II. **Q**uid Sors naturalis, quid divina, & quando hac uti fas sit?
- Cap. III. De Sorte dæmoniacæ seu superstitiosæ.
- Cap. IV. Sequitur ejusdem argumenti tractatio.
- Cap. V. Quibus variis nominibus designentur exercentes sortilegas artes; & quam grave eorum sit facinus.
- Cap. VI. Pœnæ recensentur sacris Canonibus Romanisque Legibus adversus Sortilegos & Divinatores indictæ.
- Cap. VII. Quid sit Magia, & quid sub ejus nomine veniat.
- Cap. VIII. Quibus argumentis constet de vi artium magicarum.
- Cap. IX. Exponuntur rationes illorum, qui nullam magicis artibus vim inesse contendunt.
- Cap. X. Quemadmodum nonnullis visum diversas secumque pugnantes de vi magicarum artium sententias conciliare, & quænam probabilior receptiorque illas componendi ratio esse perhibeatur?
- Cap. XI. Quænam soleant vulgo tribui Magiæ.
- Cap. XII. Quid rerum Criminalium Scriptores de dæmoniacis fœderibus seu pactis tradant.
- Cap. XIII. Quæ circa Magiæ probationes Interpretum placitis inducta, Forique usu olim essent recepta?
- Cap. XIV. De Pœnis Canonico & Romano Jure præscriptis adversus eos, qui de Magia accusantur.
- Cap. XV. Quid animadvertendum, quidve præstandum circa crimen pœnasque Magiæ.

---

D E

SORTILEGIO, ET MAGIA

LIBER SINGULARIS.

---

C A P U T I.

*Sortilegii etymon, atque definitio.*

**S**ortilegium, a quo nostra hac lucubratione differendi exordium nos ducere oportet, nomen est, quod a legendis sortibus venit. Ac Scriptores quidem rerum Criminalium eo sub nomine non solum divinationem, quæ per sortes fit, designarunt, ut illius nominis fert etymologia; sed etiam omne genus superstitionis, artiumque magicarum complexi sunt (1). Hinc Sortilegium sic late acceptum (2) in divinatorium distinxerunt, in amato-

---

(1) V. Urfay. *Lib. III. Inst. Crim. hoc tit.*

(2) Sortilegii nomine Plinius hoc quoque sensu usus est *Hist. Natural. lib. 28. cap. 4.* quod inscribitur, *De quibusdam Sortilegiis, & saliva hominis.*

Quæ semper initio nostrorum omnium Operum, quæ typis edita a nobis sunt, Lectores monuimus; eadem hic quoque eos monitos volumus, scilicet

I. Auctorum, qui interdicti sunt, eas solum nos, ut quisque legendo cognoscere poterit, in usum nostrum derivare doctrinas, quæ nulla sunt infectæ labe pravitatis: cæteras Religio-



torium, & denique in maleficum seu veneficum. Divinatorium Sortilegium illud esse tradunt, quo quis futuras res vaticinari contendit: Quo autem Sortilegio foeminae, aliquando etiam mares in libidinosum amorem proclives fiunt; amatorium Sortilegium ab iis nuncupatur: Tandem juxta doctrinam eorundem Scriptorum illud est maleficum Sortilegium seu veneficum, quod ad mala quævis morbosque tam hominibus, quam brutis animantibus, atque inanimis etiam rebus inferendos comparatur (1).

At nobis longe opportunius accidit Sortilegii nomen in nativa sua significatione accipere, atque adhibere ad significandas futurarum occultarumque, sive præsentium sive præteritarum rerum explorationes, quæ per sortes fiunt, & quascumque alias superstitionas observationes. Vetusissimus porro est usus hujusmodi explorationum (2). Quem enim latet cupiditatem res aut cognoscendi futuras, aut ignotas sciendi adeo semper fixam hæsisse humanis pectoribus; ut quam non poterant suo ingenio homines illarum adsequi notitiam, hanc improbis vanisque artibus se acquirere posse contenderint. Primum inter eas locum obtinet Divinatio per sortes, de qua statim idcirco verba facienda sunt.

gioni, Sacerdotio, Imperio, bonis moribus adversas a nobis penitus improbari.

II. Libros vetitæ lectionis iis tantum a nobis citari, quibus legitima potestas inest eisdem legendi.

(1) V. Damohud. *Prax. Crim. cap. 61.*

(2) V. Grilland, *de Sortileg. Bud. de Alb. & Superst.*

## C A P U T I I.

*Quid Sors naturalis, quid divina, & quando  
hac uti fas sit.*

**S**ors idem propemodum est, ut Tullii verbis utamur (1), quod micare, quod talos jacere, quod tesseras; quibus in rebus temeritas & casus, non ratio nec consilium valet: & ea quidem adhibetur vel ut pateat quid in dubia agendum quidve in ancipiti re vitandum, vel ut quid latens sive præteritum sive præsens aperiatur, quidve futurum sit innotescat. Hinc vulgo Sors dividitur in divisoriam, qua communium rerum partes æquantur, & munera inter pares ætate meritisque cives distribuuntur; in consultoriam, & in divinatoriam. Sed aptior Sortis in naturalem, divinam, & dæmoniacam seu superstitionem divisio esse videtur (2).

Quid sit Sors naturalis facile intelligitur. Nam ea nihil est aliud, quam arbitrium fortuiti eventus in quacumque conductæ re experimentum. Profecto cum quid in ambiguis obscurisque rebus æquum sit homines, quorum acies ingenii angustis admodum limitibus circumscribitur, agnoscere & constituere nequeant; ideo necessitas eosdem coegit, ut illarum diremptionem definitionemque sorti committerent. Quare naturalis Sortis usus non solum apud omnes fere gentes ad ambiguas contentiones definiendas, ad  
mu-

(1) *Lib. II. de Divin.*

(2) *V. P. le Brun. Hist. des Præst. Superst. Liv. 2. ch. 3. n. 3.*

( LXXXIV )

*tem confutarem. Verbis ibi precipue tuis, modum Sacris Exorcistis indicavi, quo ab Impostoribus cavere queant. Tabido quo vivimus sæculo, Pseudophilosophi abundant, qui dum insipiunt, sapientes se credunt. Indubias contra istos auctoritates attulisti, ac novemdecim objectionibus talia dedisti responsa, ut nisi futilibus verbis, Tibi se opponere quisquam possit. Rem totam plenissime enucleasti, absque eo quod nimis Te credulum præbeas: quin Magos, ac Sagas rarissime occurrere: maxima hinc cautione de istis judicandum esse, sapienter monuisti: quod exemplo confirmas: cum enim AUGUSTA IMPERATRIX anno 1758. tres Fœminas pro Sagis habitas, rogoque destinatas, ex Croatia Regno Vienneam transferri jussisset, ut tuam, & Illust. Van-Swieten opinionem audiret: criminis eas expertes declarando, a mortis limine revocastis.*

*Dissertationem meam de Dæmoniacis, una cum aliis a me editis Opusculis, brevi ad Te mittam. Vale diu felix, doctissime De Haen, meque ut soles ama.*

*Scribeb. Lucæ VI. Kal. Octob. 1775.*

2  
PHILIPPI MARIE RENAZZI

ADVOCATI ET ANTECESSORIS

ROMANI

DE


SORTILEGIO ET MAGIA

LIBER SINGULARIS.

---

*Mantispices Sagasque, quæ utraque genera vana superstitionis rudes animas  
ad flagitia compellunt, ne admiseris.*

*Columella de re rust. Lib. I. Cap. VIII.*



VENETIIS

---

---

ANNO MDCCLXXXII.

*Excudebant Fratres Coletii.*



# TYPOGRAPHUS LECTORI S.

**C**Um nuper Libri huius Exemplar Ms.; quod in cuiusdam docti Viri manus forte pervenerat, mihi legendi exscribendique copia facta fuerit, statim consilium cœpi illud typis meis evulgandi, non solum Clarissimi Auctoris celebritate motus, sed etiam illecltus natura argumenti, cuius nova, brevis, dilucida ac solida tractatio ad improba Calliostri aliorumque huic similium Nebulonum detegenda præstigia, atque ad præjudicatas plurimorum hominum evellendas opiniones nostra hac etiam ætate quam maxime opportuna esse videtur. Id porro mea procul dubio Te monere, tua fortasse scire Lector intererat. Vale.

# P R Æ F A T I O .

---

**E** St gravis illa sane , perdifficilis , ac periculi plena tractatio , quæ de Sortilegio & Magia suscipitur . Etenim haud ullæ ferme res sunt , circa quas tot tamque discrepantes in vulgus proditæ atque ad nostram hsq̃ etatem propagatæ sint hominum opiniones , & de quibus Scriptores fusius omni ævo disputaverint , vebementiusque dissenserint . Quod si quis consulerit quæcumque de Sortilegio & Magia in utramque partem disceptata scriptaque sunt a viris non solum leviter eruditis , sed etiam gravissimis atque doctissimis : ille profecto ex longa molestaque navata opera aut nihil , aut parum adeo proficiet , ut iis jure ac merito cum Comico (1) objicere possit :

Fecistis probe ,  
Incertior sum multo , quam dudum .

*Ac in tanta quidem discrepantia opinionum Scriptorumque diffensione , quid nobis de Sortilegio & Magia hoc singulari libro differere instituentibus reliquum esse videtur , quam ut quod ab aliis fuse obscureque pertractatum est , id breviter atque dilucide exponamus , & nostro more nullius addicti jurare in verba Magistri scopulos omnes solertissime declinemus , in quos incidere ut plurimum solent quicumque*

---

(1) Terent. Phorm. II. 4. v. 18.

*que de bujufmodi argumentis ſive loqui ſive commentari  
adgrediuntur. Quæ quidem omnia an bene feliciterque præ-  
ſtiterimus, æqui doctique Lectores, quibus diuturni noſtri  
maximique in criminali jurisprudentia expurganda, perpo-  
lienda, atque enucleanda impenſi labores, Studioſis fruſtuoſi,  
Reique publicæ non inutiles viſi ſunt, dijudicabunt.*





## LIBRI CONSPECTUS.

- Cap. I. **S**ortilegii etymon, atque definitio.
- Cap. II. **Q**uid Sors naturalis, quid divina, & quando hac uti fas sit?
- Cap. III. De Sorte dæmoniaca seu superstitiosa.
- Cap. IV. Sequitur ejusdem argumenti tractatio.
- Cap. V. Quibus variis nominibus designentur exercentes sortilegas artes; & quam grave eorum sit facinus.
- Cap. VI. Pœnæ recensentur sacris Canonibus Romanisque Legibus adversus Sortilegos & Divinatores indictæ.
- Cap. VII. Quid sit Magia, & quid sub ejus nomine veniat.
- Cap. VIII. Quibus argumentis constet de vi artium magicarum.
- Cap. IX. Exponuntur rationes illorum, qui nullam magicis artibus vim inesse contendunt.
- Cap. X. Quemadmodum nonnullis visum diversas secumque pugnantes de vi magicarum artium sententias conciliare, & quænam probabilior receptiorque illas componendi ratio esse perhibeatur?
- Cap. XI. Quænam soleant vulgo tribui Magiæ.
- Cap. XII. Quid rerum Criminalium Scriptores de dæmonicis fœderibus seu pactis tradant.
- Cap. XIII. Quæ circa Magiæ probationes Interpretum placitis invec̃ta, Forique usu olim essent recepta?
- Cap. XIV. De Pœnis Canonico & Romano Jure præscriptis adversus eos, qui de Magia accusantur.
- Cap. XV. Quid animadvertendum, quidve præstandum circa crimen pœnasque Magiæ.

---

D E

SORTILEGIO, ET MAGIA

LIBER SINGULARIS.

---

C A P U T I.

*Sortilegii etymon, atque definitio.*

**S**ortilegium, a quo nostra hac lucubratione differendi exordium nos ducere oportet, nomen est, quod a legendis fortibus venit. Ac Scriptores quidem rerum Criminalium eo sub nomine non solum divinationem, quæ per sortes fit, designarunt, ut illius nominis fert etymologia; sed etiam omne genus superstitionis, artiumque magicarum complexi sunt (1). Hinc Sortilegium sic late acceptum (2) in divinatorium distinxerunt, in amato-

---

(1) V. Urfay. *Lib. III. Inst. Crim. hoc tit.*

(2) Sortilegii nomine Plinius hoc quoque sensu usus est *Hist. Natural. lib. 28. cap. 4.* quod inscribitur, *De quibusdam Sortilegiis, & salivæ hominis.*

Quæ semper initio nostrorum omnium Operum, quæ typis edita a nobis sunt, Lectores monuimus; eadem hic quoque eos monitos volumus, scilicet

I. Auctorum, qui interdicti sunt, eas solum nos, ut quisque legendo cognoscere poterit, in usum nostrum derivare doctrinas, quæ nulla sunt infectæ labe pravitatis: cæteras Religio-

torium, & denique in maleficum seu veneficum. Divinatorium Sortilegium illud esse tradunt, quo quis futuras res vaticinari contendit: Quo autem Sortilegio foeminae, aliquando etiam mares in libidinosum amorem proclives fiunt; amatorium Sortilegium ab iis nuncupatur: Tandem juxta doctrinam eorundem Scriptorum illud est maleficum Sortilegium seu veneficum, quod ad mala quævis morbosque tam hominibus, quam brutis animantibus, atque inanimis etiam rebus inferendos comparatur (1).

At nobis longe opportunius accidit Sortilegii nomen in nativa sua significatione accipere, atque adhibere ad significandas futurarum occultarumque, sive præsentium sive præteritarum rerum explorationes; quæ per sortes fiunt, & quascumque alias superstitionas observationes. Vetusissimus porro est usus hujusmodi explorationum (2). Quem enim latet cupiditatem res aut cognoscendi futuras, aut ignotas sciendi adeo semper fixam hæsisse humanis pectoribus; ut quam non poterant suo ingenio homines illarum adsequi notitiam, hanc improbis vanisque artibus se acquirere posse contenderint. Primum inter eas locum obtinet Divinatio per sortes, de qua statim idcirco verba facienda sunt.

gioni, Sacerdotio, Imperio, bonis moribus adversas a nobis penitus improbari.

II. Libros vetitæ lectionis iis tantum a nobis citari, quibus legitima potestas inest eisdem legendi.

(1) V. Damohud. *Prax. Crim. cap. 61.*

(2) V. Grilland, *de Sortileg. Bud. de Ath. & Superst.*

## C A P U T I I

*Quid Sors naturalis, quid divina, & quando  
hac uti fas sit.*

**S**ors idem propemodum est, ut Tullii verbis utamur (1), quod micare, quod talos jacere, quod tesseras; quibus in rebus temeritas & casus, non ratio nec consilium valet: & ea quidem adhibetur vel ut pateat quid in dubia agendum quidve in ancipiti re vitandum, vel ut quid latens sive præteritum sive præsens aperiatur, quidve futurum sit innotescat. Hinc vulgo Sors dividitur in divisoriam, qua communium rerum partes æquantur, & munera inter pares ætate meritisque cives distribuuntur; in consultoriam, & in divinatoriam. Sed aptior Sortis in naturalem, divinam, & dæmoniacam seu superstitionem divisio esse videtur (2).

Quid sit Sors naturalis facile intelligitur. Nam ea nihil est aliud, quam arbitrarium fortuiti eventus in quacumque condita re experimentum. Profecto cum quid in ambiguis obscurisque rebus æquum sit homines, quorum acies ingenii angustis admodum limitibus circumscribitur, agnoscere & constituere nequeant; ideo necessitas eosdem coegit, ut illarum diremptionem definitionemque sorti committerent. Quare naturalis Sortis usus non solum apud omnes fere gentes ad ambiguas contentiones definiendas, ad  
mu-

---

(1) *Lib. II. de Divin.*

(2) *V. P. le Brun. Hist. des Præst. Superst. Liv. 2. ch. 3. n. 3.*

## 8. *De Sortil. & Magia:*

munia laboresque distribuendos, ad æquandam in ludis, & contractibus mutuam lucri spem jacturæque formidinem, denique ad incertum quemlibet martem dirimendum moribus invaluit usurpari; verum etiam pluribus dubiis in rebus adhibendus Civilibus, Canoniciis, ipsisque Divinis Legibus præscribitur (1). Sed de hac sortis specie, quam summus rerum omnium Arbiter DEUS moderatur, quæque, si superstitione & fraude careat, omnis criminosa labis expers est, hoc loco non quærimus (2).

Toties autem Sors dicenda erit divina, quoties per eam homines præteritarum vel præsentium rerum, quæ ignorantur, vel futurorum eventuum notitiam a Deo haurire contendunt; aut quid in ancipiti re eligendum faciendumque sit noscere præstolantur. Hac specie Sortis usi Gentiles, dum temere aperto Homeri aut Virgillii codice, qui versus primum in oculos incurrissent, eos in oraculi omen accipiebant. Quæ ratione narrat Spartianus (3) Imperium sibi prænuntiasse Hadrianum. Christiani quoque antiquitus

ex.

(1) Pleni sunt de usu hujusmodi sortium non solum apud antiquas, sed etiam recentiores Nationes Scriptorum libri, plenæ sæculorum memoriæ, plena exemplorum Vetustas. Consuli poterunt Homer. *Iliad.* VIII. Cæsar *De Bel. Gallic. Lib.* 1. Scriptores omnes *Hist. Rom.* &c. Hic solum referemus Virgillii versus, quibus describitur Dido construendæ Carthaginiis munia suos inter Tyrios sorte tribuens. *Æneid. Lib.* 1. v. 511. 512.

*Jura datat, legesque viris, operumque laborem*

*Partibus æquabat justis, aut sorte traherat.*

(2) Num. cap. 33. Paralip. cap. 6. v. 34. Cod. Lib. 6. tit. 43. Leg. 3. Novel. 162. in fin.

(3) In vit. Hadr. VII.

exemplo sortium Virgilianarum sortes quasdam adhibuerunt, quas Sanctorum vel Apostolorum vocabant. Arreptis enim sacris utriusque Testamenti Libris ex sententia, quæ casu prior legenda se offerret, vaticinia captabant. Sed quoniam sæpe ejusmodi sortitionibus superstitio aliqua admiscebatur, eas idcirco adhibere pluribus veterum Synodorum Canonibus interdictum est. Quippe Sortis divinæ usus tunc solum usurpari potest, quando quis divino spiritu afflatur, ut DEUM consulat, quemadmodum aliquibus vitæ sanctimonia eximiis viris evenisse constat (1). Atque eo casu Sors non aliquid mali continet, ut scribit D. Augustinus (2), sed res est in dubitatione humana divinam indicans voluntatem. Secus vero divinæ Sortis usus culpa non vacabit; nec qui eum usurpaverit canonicam animadversionem effugiet (3). Ne fas enim est hominibus Dei voluntatem in rebus latentibus vel futuris perscrutari sortibus temere ductis, & præter necessitatem prodigia ab ipso audenter exposcere.

---

(1) Sic Abraham, Josue, Gedeon, Samuel, Saul, Elifens apprehendi nequeunt, quod hujusmodi sorte aliquando usi sint. Divino quippe afflatu excitatos id peregrisse liquet ex sacris literis. Sic Apostoli temeritatis expertes fuerunt, cum cœlesti lumine illustrati sorte Matthiam in collegium suum cooptassent.

Act. cap. 1. V. Can. 14. qu. 5.

(2) Can. 1. Caus. 26. Quæst. 2.

(3) Cap. 1. De Sortileg.

**P**ostrema Sortis species demoniaca seu superstitiosa vocatur, quæ fit vel fieri vulgo creditur, quando aut Dæmonis interpellato auxilio atque opera accita improbæ præstigiæ, aut vana religione superstitiosæ observationes ad arcanas futurasque res exquirendas atque divinandas adhibentur. Nihil quondam celebrius, nihil veteres inter Populos vulgariter dæmoniis divinationibus, quas multiplici diversaque ratione proditas Historiarum monumentis perhibetur (1). Etenim narratur data aliquando petentibus dæmoniaca responsa ex imaginibus, id est emissæ voce ex Idolorum statuis, ut Delphis ex Simulacro Apollinis; quæ responsa dicebantur oracula, quasi in eis Deorum inesset oratio. Sæpe dæmoniaca oracula memorantur reddita per Vates, qui theurgicis expiationibus Pythium, fatidicum nempe Spiritum fortitum a Pythia Apollinis Sacerdote Divinatorum Principe Pythones & Pythonissæ quoque nuncupatæ sunt (2). Nemo ignorat quænam fides olim habita somniis, quæ præternaturali vi dormientium in mentibus excitata rebantur ad futuras res prænunciandas; atque sic habita exceptaque præsagia appellabantur vaticinationes per somnia, quorum interpretandi, & quæ even-

---

(1) V. De Cauz. de Cultib. magic. Lib. 1. cap. 5. §. 178.

(2) Wier. De præst. Dem. Lib. II. cap. 14.

eventura essent ex iis eruendi causa mendax ars comparata Oneiromantia dicta est. Quid quod ex cranio hominis dæmoniæ emissæ voces leguntur, quibus quæ eventura essent declararentur; idque veteres vaticinationem per cranium dixere. Quin immo & spectris seu vita jam functis hominibus in speciem inductis (1) dæmoniacas vaticinationes sciscitantibus reditas memoriæ proditum est (2). Tandem quæ forent agenda, quæque futura essent dæmoniacæ opera fuisse pandita atque prænuntiata signis figuris in terra, in aqua, in aere, in igne, in vitro, aliisque similibus rebus referuntur; unde natæ sunt superstitionis artes Geomantia, Hydromantia, Pyromantia (3), Catopromantia, quas omnes rerum criminalium Scriptores (4) inter species enumerant divinatorii Sortilegii. De Numa scriptum D. Augustinus reliquit,

B 2

qui

(1) Notissima est historia, quæ habetur 1. Reg. 28. de *Samuele* a *Pythonissa* instante *Saule* excitato. Quod quomodo evenit, & quemadmodum intelligendum sit, S. Scripturæ Interpretes inter se magnopere discrepant. Nam *Origenes Comment. in cit. loc.* censuit *Samuelem* reipsa *Pythonissæ* incantationibus fuisse a suis sedibus evocatum: *Tertullianus*, aliique plures *Samuelis* phantasma dæmoniacæ opera Regis oculis obversatum fuisse contendunt. Plerique vero consent Dei providentia atque imperio *Samuelem* stetit coram *Saule*; ut suam ei suorumque futuram cladem prænuntiaret; alii alias interpretationes prodiderunt, de quibus late doctèque agunt *Calmat in dissert. de vif. Saul. & Natal. Alexand. Hist. vet. Test. dissert. 13. prop. una*

(2) Naud. *Apol. Vir. de mag. susp. cap. 14.*

(3) Ars divinandi per fulgura, de qua loquitur *Cicero Lib. II. de Leg. & Lib. II. de Divin.* spectasse videtur ad *Pyromantiam*, unde fulgurales Libri, quorum idem Auctor meminit. *V. Cl. Creman. de Jur. Crim. lib. 1. par. 3. cap. 2. not. 1.*

(4) V. *Alph. Jur. Crim. lib. 2. tit. 1. cap. 1. de Sortileg. §. 95.*



qui id fortasse ex vetere aliquo haurit Auctore, eum in aqua imagines Deorum seu Dæmonum ludificationes vidisse, a quibus audiebat quid in sacris constitui atque observari deberet (1).

Cæterum nemo unquam sapiens prudensque vir dæmoniacis divinationibus, quæ proditiæ narrantur, ullam habendam esse fidem existimavit (2). Nam Dæmones, siquidem ingenii acie hominibus longissime præstant, naturales rerum causas, earumque vim & effectus illis multo cumulatius absolutiusque cognoscunt: futuras vero res, quæ ex libero pendent hominum arbitrio, quarumque Deus ordinem ac eventum solus intuetur, ac suo nutu disponit, Dæmonas prorsus latere dubitandum non est (3). Hinc decepti quicumque dæmoniacæ opera futuras res se scire posse autumaverint. Ac re quidem vera si oracula ad trutinam revocentur, quæ superstitiosa Antiquitas tantopere coluit atque celebravit; ea ita ambigua sunt, ut ad Dialecticam debeant referri, vel flexiloga atque obscura, ut interpret egeat interprete, & fors ipsa ad sortem sit referenda. Quod si vaticina-

na-

---

(1) *De Civit. Dei lib. 7. cap. 35.*

(2) Qui ingenii acumine, & sapientiæ laude inter veteres floruerunt, ii probe suboleverunt humanas fraudes, commenta, dolos, qui ad credulum vulgus decipiendum ut plurimum oraculis inerant. Qua de causa Tullius *lib. 2. de Divinat.* illorum auctoritatem convellere, atque contemnere aperte professus est. Porro huiusmodi fraudes dolosque sedulo persequutus est, atque eleganter expressit cultissimus Fontenellius *Histo. des Oracles.* quod opus caute tamen legendum. V. *Le Clerc, Bibl. Choix. Tom. XIII.*

(3) *S. Thom. 2. 2.*

nationibus aliquando rerum eventus responderunt ; partim id casu accidit , ut sit in omni oratione sapientissime ; partim permissu Dei contigit , ut homines suæ superstitionis , curiosæque improbitatis puniret.

## C A P U T IV.

*Sequitur ejusdem argumenti tractatio.*

**A** Uguria primum tenent locum inter supersticiosas observationes vana religione jampridem ad futuros præsignificandos eventus adhibitas, quas nunc operæ pretium erit recensere. Captabantur auguria, ut Cicero scribit (1), ex volatu avium, cantu oscinum, ex tripudiis sollemnibus. Succedunt Haruspicia, quo nomine veniebant divinationes erutæ ab hostiæ vel viventis vel mactatæ extis, atque ex flamma fumoque ignis, quo victimæ consumebantur. Haruspicia excipit omen, quod ex hominum vocibus ac sternutamentis educebatur. Plures tandem per supersticiosas observationes confectæ artes memorantur, quæ diversis nominibus distinguebantur. Quæ ex lineis manuum præfagia colligit ars, Chiromantia dicta est; quæ ex oris configuratione, Metoscopia; Notomantia, quæ ex dorsi figura (2): Astrologiæ autem nomine venit ea ars, qua ex vario astrorum adspectu, ut ajunt, atque influxu, quæ circa hominum, præsertim recens natorum, vitam, casus fortunamque eventura sint, conjici posse contenditur. Nam quæ motus Syderum con-

fide-

(1) Epist. Familiar. vi. 6.

(2) V. Thierck. *Traité des Superst.* Tom. 1.

fiderat ac metitur insons, atque humanis usibus opportunissima ars, distinctionis ergo Astronomia solet appellari.

Longum est dicere quantum priscæ Gentes, ac veteres præsertim Romani (1) superstitiosas observationes coluerint, omnique generi fiderint divinationis; ut qui arduis præclarisque abs cœptis nec hostium metu nec facinorum difficultate abducerentur, eos vana quælibet puerilisque superstitio ac observatio a proposito dimoveret (2). Verum non defuere inter Quirites, qui præjudicatarum vulgi opinionum expertes omina atque auguria contemnerent, omnesque divinationes sapide irrideret. Julium Cæsarem religione a quoquam incepto numquam absterritum vel retardatum fuisse Suetonius memoriz prodidit (3). Re enim vera quomodo ex iis quæ temere fiunt casuque eveniunt, futuræ res intelligi, ac prænunciari poterunt? Nam si falluntur, ut gravissime Tullius animadvertit

---

(1) Nihil mirum esse debet, si homines veræ Religionis lumine nondum illustrati, tam creduli, tamque superstitiosis artibus addicti fuerint. Sed postquam divini splendoris radii toto terrarum orbe diffusi Idololatriæ tenebras erroresque depulerunt, mirabuntur, credo equidem, seri sapientioresque nepotes superiori ætate tot inventos esse, & nonnullos adhuc inter nos reperiri, qui Astrologiæ fidant, divinationes ex superstitiosis eruant observationibus, auguria metuant, atque omina capiant. Quis vero non vehementer indignabitur nunc non deesse, quæ auri sacra fame perciti somnia observant, atque ex iis divinationes educunt, millenisque student futilibus & superstitiosis artibus; ut parta ludi (Lotto, vocant) omnium incertissimi, & difficillimi victoria congerant divitias, quas in mare Sapiens ille demersit, ne ab eis mergeretur.

*Hec hominum ignaræ mentes, heu peçora cæca!*

(2) V. *Histoire Critique des erreurs popul.* Amsterd. 1733.

(3) In vit. Cæsar. lxx.

sit (1), qui nihil sine probabili aliqua conjectura ac ratione dicunt; quid existimandum est de conjectura eorum, qui extis, aut avibus, aut ostentis, aut oraculis, aut somniis futura præsentiunt? Hinc merito sapiens ille Cato apud eundem Tullium mirari se agebat, quod non rideret Haruspex Haruspice cum videret. Nullam vero sydera inter astrorumque motus & conversiones, ac futuros humanos eventus conjunctionem intercedere intelliget quicumque sibi conscius est, se quæ mavult agendi libertate pollere, probeque scit omnes rerum vicissitudines regere, humanaque inflectere pectora Illum, qui astra & sydera, cunctasque a se creatas res supercilio mover. Necesse est ergo fateri multa popularibus erroribus propagata, multa superstitione ad continendos in officio homines vana formidine religionis invecata esse; ut olim contigit Romæ (2), ubi Plebs a Patriciis hisce artibus, quarum isti notitiam sibi usumque peculiariter addixerant, ludificata jugiter fuit.

## C A P U T V.

*Quibus variis nominibus designentur exercentes sortilegas artes; & quam grave eorum sit facinus.*

**Q**ui Sortilegio dant operam, Sortilegi, vel Divinatores generatim appellantur. At quemadmodum singulæ Sortilegii species hæcenus enumeratæ (Cap. III. & IV.) diversis inter se nominibus

---

(1) De Divinat. Lib. II.

(2) V. Heinec. Synt. Antiq. I. 3.

bus distinguuntur; ita etiam quicumque eas exercent peculiaria nomina acceperunt. Sortilegi quidem germana adhibita vocis significatione dicuntur, qui sortibus ductis futura audent credulis prænunciare; atque hoc pacto quæstum mentiendo faciunt (1): Augures vocati sunt, qui ex avium cantu ac volatu quid eventurum sit conjiciunt; Haruspices, qui exta hostiarum & fibras inspiciunt; Vates denique, qui se Deo plenos esse simulantes responsa dant. Ariolorum, nomen, teste Turnebo (2), omnibus exta rimantibus, & per furorem vaticinantibus commune est: Somniorum conjectores sunt, qui somnia interpretantur; Astrologi, qui fata cujusque nosse profitentur, & natalitias syderum observationes edunt (3). Hi Jure Romano Mathematicorum quoque nomine designantur, quod præstantis ac utilissimæ disciplinæ nomine ad fallendum abuterentur (4). Sed quomodo-cumque hujusmodi sycophantæ appellentur, certum est eos omnes in sanctissimam, qua pure colendus est Deus, Christianam Religionem gravissime peccare.

Ac re quidem vera, ut opportune docet D. Thomas

---

(1) V. Matth. ad Lib. 48. ff. tit. 5. cap. 5.

(2) XIX. *Advers.* 20.

(3) Chaldaei vulgo nuncupabantur Astrologi omnes, Genethliaci, astrorumque Speculatores; ut liquet ex *Leg. 5. Cod. de malefic. & mathematic.* quia illorum disciplina tradita primum apud Chaldaeos, quæ gens Astrologiæ valde dedita fuit. Cic. 1. de *Divinat.* Hinc Chaldaeus pro Astrologo dictus, ut Arabs pro latrone &c. V. Gothofred. in not. ad cit. *Leg.* "Vulgas, ut testatur Gellius Noñ. *Attic.* lib. 1. cap. 9., quos gentilitio vocabulo Chaldaeos dicere oportet, Mathematicos dicit."

(4) V. Gothofred. ad tit. 18. *Cod. Lib.* 9.

mas (1), multis modis Sortilegi peccant. Principio enim qui adhibitis Sortilegiis futuros eventus divina-  
re contendunt, ii profecto frustra & irreverenter di-  
vinæ providentiæ secreta pulsant, atque præscien-  
tiam, qua solus pollet Deus, ad creatas humanasque  
res transferre videntur; quod sine impio scelere fieri  
vel excogitari non potest; præsertim si dæmoniacæ  
sortes ad divinandum adhibitæ sint. Tunc siquidem  
quæ singula sunt gravissima facinora Apostasia, Sacri-  
legium, improba curiositas, iis omnibus sese Sorti-  
legi obstringunt. Quid? quod non alii fortasse fre-  
quentius, quam Sortilegi turbas in Republica ciere  
solent, & communem tranquillitatem labefactare.  
Nam, ut bene Tacitus observavit (2), qui sortile-  
gas artes exercent, genus hominum est potentibus  
insidum, sperantibus fallax, quorum responsis leves  
animi ad novas spes facile impelluntur. Itaque tam  
prohibitum est impias huiusmodi artes docere, quam  
discere; tam exercere, quam exercentibus fidem præ-  
stare ac adhærere (3); atque in quoscumque Sorti-  
legii criminis reos severissimæ constitutæ sunt poenæ,  
quas mox tandem enumerabimus.

---

(1) 2. 2. *Quæst.* 95. art. 1.

(2) *Annal. Lib. II. Cap. 32.*

(3) *Cod. Lib. 9. tit. 18. Leg. 8.*

*Pœna recensentur sacris Canonibus Romanisque Legibus  
adversus Sortilegos, & Divinatores indicta.*

**Q**UONDAM Jure Romano pœna capitali punitos, qui de salute Principis, vel summa Reipublicæ vaticinati essent, J. C. Paulus meminit (1); cæteros vero Divinatores inflicta prius fustium correctione civitate pulsos fuisse. Sed tandem Christianorum Imperatorum constitutionibus in Sortilegos omnes, Augures, Haruspices, Vates capitalis pœna indiscriminatim imposita habetur (2).

Jure autem Canonico Laici, qui sortilegas artes exercuerint, excommunicatione plectuntur; Clerici degradantur: & in excommunicationis quidem pœnam incurrunt qui nihil aliud egerint, quam Sortilegos Hariolosque consulere (3). Quod si a Clerico factum sit, detrudendus est in Monasterium ad perpetuam pœnitentiam agendam. Interpretes, rerumque criminalium Scriptores docent Sortilegium, quod hæresim, ut ajunt, manifestam contineat, pœnis coercendum esse, quæ manent hæresis crimen (4). De pœnis Astrologorum peculiæres extant Constitutiones Romanorum Pontificum Xistî V. & Urbani VIII., quæ a memoratis Scriptoribus late exponuntur, & quibus cautum est de crimine Sortilegii posse Fidei

Quæ-

(1) *Sentent. V. tit. 21.*

(2) *Cod. lib. 9. tit. 18. Leg. 5.*

(3) *Cap. 1. & 2. de Sortil. V. Thesaur. de pœn. eccl. v. superfl.*

(4) *V. Farinac. de hæres. quæst. 181.*

Quasitores una cum Episcopis certatim judicia (1) exercere.

## C A P U T VII.

*Quid sit Magia, & quid sub ejus nomine veniat.*

**C**Æterum Sortilegis ac Divinatoribus & affinitate & improbitate criminis ii pares, immo etiam superiores sunt qui Malefici Jure Romano nuncupantur (2), quosque Magos, si mares, si vero formine, Lamias vel Striges vulgus appellat. Magi porro a Magia dicuntur, quam callere profitentur, & de qua tempus jam est, ut sermonem instituere adgrediamur, Magia perfica vox est, quæ idem significat ac sapientiam atque doctrinam: unde ii quondam Magi vocabantur, quos primum Sapientes, postea modestiori nomine Græci & Romani Philosophos appellarunt (3).

C 2

Du-

(1) Sed utrum ad Judices solum Ecclesiasticos, an ad Laicos quoque pertineat cognitio Sortilegii, Doctores dissentiunt, ut observat Gagliard. *Instit. Canonic. Lib. 4. tit. 15. §. 44.* Quoniam vero hoc crimine & Religio læditur, & publica tranquillitas perturbatur, sic commode poterit omnis dissensio componi; ut Episcopi æque ac Magistratus Civiles de Sortilegio cognoscant; illi quidem ut Canonicis Censuris peccantes corripiant; hi autem, ut eisdem, tamquam publicis reis, corporeas poenas infligant. V. Caravit. *Instit. Criminal. lib. 1. §. 3. cap. 28. §. 28.* Van-Esp. *Jur. Eccles. part. 3. tit. 4. cap. 3.* Sed si res sit de ecclesiasticis personis, quæ hujusmodi facinoris insimulentur, illius cognitio Episcopis peculiariter reservata est Apostolicis Constitutionibus, quas refert Girald. *Exposit. Jur. Pontif. lib. 5. tit. 21.* quod & obtinet quando Sortilegium sit cum Hæresi, ut ajunt; conjunctum.

(2) *Cod. Lib. 9. tit. 18. Leg. 5.*

(3) V. Brucker. *Hist. crit. Phil.*



20 De Somn. & Magia.  
Duplex autem a Scriptoribus Magiæ genus distinguitur, naturalis altera, altera præternaturalis seu superstitiosa atque dæmoniaca. Illa circa naturam resque naturales, earum causas, occultasque vires cognoscendas, ignotas vulgo eruendas qualitates, atque edendos effectus cuicumque haud facile obvios versatur (1); quam omni ævo, & apud politiores Gentes summi coluere Viri, quorum solertia ac labore Physicæ, ut vocant Experimentalis, studium atque usus & inventus, & in communes hominum utilitates summo opere propagatus est (2). Magia autem præternaturalis, dæmoniaca, superstitiosa vanas maleficas impialque artes complectitur, quibus nihil non mirum exitiale atque portentosum Dæmonum vi atque opera intercedente fieri non posse narratur. Atque colluvies Circulatorum & Sycophantarum, qui Magiam naturalem se excolere jactantes superstitiosam ac dæmoniacam profitebantur, atque perniciosas nefariasque artes exercebant, in causa fuit, ut Magia generatim male in vulgus audiret, criminisque nomen demum (3) evaderet.

Quid porro sub Magiæ crimine venire debeat non admodum constat inter Scriptores, qui de illo tractarunt.

---

(1) Apposite, si quis alius, Magiam naturalem descripsit Campanella *de sens. rer. sive de natur. Mag. Lib. VI. cap. 6.* scribens: *Quidquid Sapientes faciunt imitando naturam, aut ipsam adjuvando per artem non modo plebi ignotam, sed communitati hominum; id magicum opus haberi: unde prius quam ars vulgetur, semper dici Magiam; arte vero manifestata scientiam esse vulgarem.*

(2) *Boyl. de util. Philosoph. Experim. cap. II.*

(3) *Bohmer. Elem. Jur. Crim. Sect. 2. cap. 4. §. 36.*

runt. Nam ab aliis hoc crimen ad plures diversasque species porrigitur; alii species contrahunt; quæ sub eo comprehendendæ sunt: multi Sortilegium quod maleficum & amatorium vocatur cum Magia confundunt: contra vero quibusdam placet istam ab illo distinguere. Tandem plerisque Magia est crimen illorum, qui commercium, ut ajunt, cum Dæmone habent: quod commercium fere omnes rerum criminalium Scriptores vel expresso vel tacito pacto iniri docent (1). Expressum cum Dæmone pactum eos contraxisse tradunt (2), qui Deo religioneque ejurata se totos Dæmonis potestati subjiciunt eique obsequium pollicentur; ut ipso opitulante quæ velint, mira, ardua, iniqua perficere valeant. Pactum vero cum Dæmone tacitum memorari censent Scriptores ab illis initum esse,

---

(1) Si fides eisdem adhibeatur Scriptoribus, quorum antesignani extiterunt Tritthem. in *Antipal. Malef.* & Martin. Del Rio *Disquis. Magic.* expressum cum Dæmone pactum in conventu Magorum (Sabbathum vocant) solemniter stipulatum, infernisque initiato mysticis character quidam imprimitur veluti tessera dæmoniaci fœderis. Plura deinde hisce similia ipsi de huiusmodi pacto differentes comminiscuntur, quæ

*Non sani esse hominis non sanus juret Orestes.*

Enimvero non defuerunt, qui dæmoniaci ista fœdera atque pacta negaverint. Eminent potissimum inter Italos nostros eruditissimus March. Massæi: *Arte Magica dileguata*: Jan. Rinald. Carl. *Epist. de Orig. Mag.* §. 39. inter Germanos Speus. *Causib. Crim.* Thomas. *Dissert. de crim. Mag.* Bekker. aliique: inter Gallos D. d'Andrè *Epist. Mag. Epist.* 2. Sed illa adstruere & contra impugnatores præ cæteris asserere adgressi sunt P. le Brun. *Hist. Critiq. des superst.* Tom. I. Liv. 2. chap. 1. Scheuchz *Phys. sacr.* tom. 4. pag. 318. Preat. *Mag. dimost. artic. 4. & seq.* Hieronym. Tartarot. *Congresso notturno delle Lamie, Lettera al Carli, &c.*

(2) Carpzov. *prax. Crim. part. 1. quæst. 48. num. 11.* Berlin. *part. 4. concl. 3. Alph. a Castr. de imp. Sortil. hæ. cap. 2.*

esse, qui licet commercii cum Dæmone expentes; ea tamen Sortilegia patrant, quæ probe sciunt non natura sua, sed dæmoniaca opera vi aliqua pollere. Sed consultius commodiusque mihi egisse videntur qui (1) hæc omnia conjunctim complectentes ad Magiæ crimen retulerunt supersticiosas quascumque, improbas & maleficas artes, quibus Dæmonum, ut asserunt, intercedente auxilio atque opera accita nefarii homines utuntur ad inferendas ærumnas aut avertendas, ad præstigia, nefandasque res, & cujuscumque generis maleficia patranda.

## C A P U T VIII.

*Quibus argumentis constet de vi artium Magicarum.*

**A**T vero Magiæ magicisque artibus cane Dæmonis opera & potestate tot tantasque miras, inueltas, perniciosas res efficiendi vis inest, qua artes illas pollere malefici cupiunt, & plerique hominum credunt? Id scilicet est, quod omni ævo doctissimorum virorum ingenia exercuit, & de quo nostra patrumque memoria gravissimi Scriptores ingenti doctrinæ adparatu, magnaue animorum contentione sedulo quæsierunt, & copiosissime disceptarunt (2). Quæ quidem disputatio ad Criminalem Jurisprudentiam potissimum pertinet. Ab illa enim disputatione quid de crimine Magiæ censendum, quidve statu-

---

(1) V. Alph. Jur. Crim. Lib. III. De Sortileg. §. 4. & seq.

(2) V. de Cauz. de Cult. Mag. Lib. I. cap. 4.

tuendum sit prorsus pendet. Quare antequam ulterius progrediamur, ea hic a nobis omnino attingenda est. Quod ita præstabimus, ut breviter primam gravioribus, quæ in utramque partem afferuntur, expostis argumentis, deinde enarrata ratione, quæ probabilior receptiorque esse perhibetur, discrepantes componendi opiniones; unusquisque quid debeat sentire, possit secum animo reputare.

Principio igitur qui Magiæ magicisque artibus summam dæmoniacæ opera vim inesse asserunt, ii divinæ innituntur auctoritati sacrarum Litterarum. Ex his quippe constare inquirunt permissum Dæmonibus illudere hominibus, eosque prodigiis editis ad peccandum allicere (1). Cumque ingenii acie Dæmones excellent, multiplici scientia præditi sint, & dotibus polleant, quæ ut ajunt, Spirituum propriæ sunt; jam res possunt humanis impares viribus efficere, quæque homines intelligentia ac ratione comprehendere nequeunt: quo referuntur immissæ a Dæmone in Job virum justum repentinæ acerbissimæque calamitates, prodigia a Magis Pharaonis patrata, Samuel a Pythonissa instante Rege Saule excitatus, & Dæmon denique cui nomen Asmodæus, qui septem priores Saræ viros interemerat, ab Angelo Raphaele in Desertum Superioris Egypti relegatus, ne infanti Tobiz eidem nupturo noceret. Huc accedunt luculentissima testimonia, quæ innumeri fere diverso tempore diversisque locis

---

(1) Bodin. *Dæmonom.* Lib. II. Torreblan. *Lib. II.* Del Rio, *Disquisit. Magic.*

locis Magiæ Rei. solemniter ediderunt (1), qui in  
 Judicio facti sunt dæmoniacæ foedera iniisse, cum Dæ-  
 monibus habuisse commercium, eorumque opera ac  
 vi miras se res gessisse (2), & maleficia patrassè.  
 Quod si alicui fortasse non admodum hujusmodi te-  
 stimoniis & confessionibus deferendam esse videatur;  
 quis tamen, ut concludunt dæmoniacæ magicarum  
 artium vis assertores, tam audax erit, qui universa-  
 rum Gentium consensui repugnare, omnium ferè do-  
 ctorum virorum opinionem contemnere, ipsam de-  
 nique civilium sacrarumque Legum censuram repre-  
 hendere non vereatur? Constat enim apud homines  
 vetustissimam fuisse (3) magicarum artium notitiam  
 atque usum, inolitam ubique de præternaturali seu  
 dæmoniacæ illarum artium vi persuasionem, cogni-  
 tum

(1) V. Remig. *Dæmonolatr. Lib. I. Malleus Malefic. Tom. II. Michael Pneumat.*

(2) Nemo miracula hic cum præstigiis confundat, quæ duo non semper sedulo distinxerunt nonnulli inter eos, qui Dæmonis magicarumque artium opera nihil non fieri posse contendunt. Miracula enim solus Deus edit, quæ universas mundanas res finxit, suoque nutu moderatur. *Operatio miraculorum*, ut solide sapienterque docet D. Thom. *Quæst. Disp. q. 6. art. 5. est quoddam divinum testimonium indicativum divinæ virtutis & veritatis; quæ si Dæmonibus, quorum voluntas tota in malum est, daretur, Deus falsitatis eorum testis existeret; quod divinam non decet voluntatem.* Itaque plerique graviores Magis adsertores docent cum Lactantio de *ver. Sap. lib. 4. num. 5.* artem magicam moliri solum aliquid ad circumscribendos oculos valere. Nec aliter D. Augustinus miracula a Magis Pharaonis edita interpretatur de *Civ. Dei lib. 21. cap. 6.*

(3) Plin. *Hist. Nat. Lib. 30. cap. 1.* *Memoir, de l'Academ. roy. des Inscriptions. Tom. IV. & VI. Histo. Critiq. des erreurs pop. Pul. Amsterd. 1733.*

tum cultiores inter Populos Magiæ crimen, & severissimis poenis vetitum atque expiatum.

## C A P U T IX.

*Exponuntur rationes illorum, qui nullam Magicis artibus vim inesse contendunt.*

**A** Ge nunc eos audiamus, qui ut de priscis quibusdam Romanis refert Horatius (1), somnia, timores magicos, miracula, sagas, nocturnos lemures, portentaque thessala ridentes, ullam magicis artibus vim inesse plane inficiantur, & quorum non exigua semper extitit manus. Atque hi quidem, quos inter nonnulli spectatæ pietatis probatæque doctrinæ viri, compertum esse debere ajunt Deum, ut D. Paulus scribit, *non subiecisse Angelis orbem terra futurum*; (2) ac propterea nulla vi magicas artes Dæmonum opera augeri ac pollere, illasque exercere ac profiteri flagitiosam certe rem esse, modo ad Blasphemiam, modo ad Superstitionis, modo ad Strellionatus, ac etiam Veneficii delicta pertinentem; sed quæ nequaquam Magiæ crimen tale præferat, quale vulgo perhibetur. Ab illis autem asseritur congerronum improborumque hominum astu & nequitia, popelli credulitate, Philosophiæ naturalis ignoratione, ac præjudicatis hominum opinionibus factum esse, ut fama præternaturalis seu dæmoniacæ magicarum artium vis excitata primum fuerit, & sensim latissi-

D

me

(1) Lib. II. Ep. 6.

(2) Epist. ad Hebr. II. 5.

me propagata (1). Nam quæ de Magis, magicisque artibus habentur in sacris Litteris, ea longe aliter ac interpretentur Magiæ adsertores, ab istius impugnantibus explicabuntur, atque ut plurimum ad hariolos referuntur, præstigiatores, atque veneficos aliosque hujusmodi fursuris homines (2). Testimonia porro & confessiones illorum, qui de crimine Magiæ accusati se familiariter usos esse cum Dæmonibus, multaque & portentosa facinora demoniaco auxilio ac opera egisse in judicio fessi sunt; nihili censent esse facienda. Ea siquidem partim metu vique tormentorum, partim Judicio, qui reos interrogabant, dolo ac nequitia extorta sunt, partim denique tribui debent præjudicatis ipsorum reorum opinionibus & perturbata corruptaque phantasia, (3) qua decepti ea se egisse fatebantur, quæ facere quidem concupiverant, sed numquam reipsa patraverant. Historiis autem constat iis in regionibus, ubi, quemadmodum in Lotharingia, bona illorum, qui tamquam Magiæ Rei damnarentur, Fisco Dynastarum addicebantur; (4) frequentissimam superiori ævo fuisse hujus criminis accusationem, & longe numero plures, quam in tota fere reliqua Europa Lamiæ Magosque inventos & condemnatos esse. Cujus rei causam subodoratus fortasse, qui tunc apud finitimos Foederatos Belgas flo-

(1) Scot. Desc. Art. Magis. Wier. de præst. Dæm. Plurima. *Ouvres Physiq. & geogr. Dissert.* 18.

(2) V. Bochar. *De anim. Sac. Script. par. 2. lib. 43. cap. 13.*

(3) Spens Caut. *Crim. Dub. XX. & seq.*

(4) V. Montagn. *Es. de Moral. Liv. 1.*

florabat Arnoldus Vinnius emunctæ naris Jurisconsultus, *Multa nimis, scripsit, temere eradi, multa illis (Magia accusatis) vane affingi, multa falsa per tormenta illis exprimi, nec paucos per injuriam ignibus tradi mihi persuasum est* (1). Postremo quod pertinet ad communem Gentium consensum, & plerorumque Scriptorum persuasionem de præternaturali seu dæmoniaca magicarum artium vi contendunt qui hanc negant, utramque rem, si quid valet, valere solum, ut isto luculentissimo exemplo evidentius eluceat nullo non tempore homines etiam minime vulgares neque ignares, non gravissimis erroribus obrutos, præjudicatisque opinionibus irretitos fuisse. Itaque disputationem suam sic concludunt, ut eam Seneca jam concluderat scribens (2), *nihil horum quæ vulgo feruntur magicis artibus posse fieri tam certum esse, ut ea de causa nullius Philosophi schola intranda sit.*

## C A P U T X.

*Quemadmodum nonnullis visum diversas, secumque pugnantes de vi Magicarum artium sententias conciliare; & quam probabilior receptiorque illas componendi ratio esse perbibeatur?*

**Q**Uamquam duæ illæ hucusque expositæ non vulgarium solum, sed etiam eruditorum hominum opiniones, quarum altera affirmat, al-

D 2

tera

(1) *Com. ad Inst. Lib. 4. tit. ult. §. item L. Cornel.*

(2) *Lib. 1. Natural. Quæst. cap. 7.*



tera vero negat præternaturalem dæmoniacamque vim magicis artibus inesse, sibi invicem omnino adversentur; tamen fuerunt nonnulli qui viam inire tentarint utrasque simul conciliandi, ac tantas demum componendi lites, quæ inter unius alteriusque sententiæ patronos jamdiu vehementissime fervent. Atque horum princeps & quasi dux laudatur Scipio Maphejus, vir editis pluribus variisque eruditis operibus notissimus in Litteraria Republica. Cum enim placuisset Maphejo (1) in scenam prodire adversus Hieronymum Tartarottum Academicum Roboretanum, qui vernaculo sermone librum evulgaverat ingenti plausu exceptum (2), quo in libro multæ quidem de Lamiis, nocturnoque earum conventu refutabantur præjudicatæ vulgi opinioniones; sed luculentius atque elegantius, quam antea factum esset, præternaturalis dæmoniacaque magicarum artium vis adstruebatur; nactus illico est magni nominis adversarios, nec exiguis difficultatibus cœpit urgeri. Ut autem & ab his sese expediret, & illorum tela evaderet, alio se vertit, atque viam vel primus omnium, vel cæteris sane explicatius, ingeniosiusque inire ingressus est, qua, si fieri posset, discrepantes tuentium æque ac impugnantium præternaturalem dæmoniacamque artium magicarum vim sententiæ conciliarentur. Itaque novo scripto opere (3) tempora distinguenda esse censuit; & agnovit quidem præternaturalem dæmo-

mo-

---

(1) *Art. Magic. dilig. Veron.* 1750.

(2) *Del Congres. nott. delle Lamic. Rovered.* 1749.

(3) *Art. Magic. Annihil.*

dæmoniacamque magicarum artium vim ante Christum natum; sed illam post ejus nativitatem, confectumque divinitus humanæ reparationis opus defuisse penitus multis fretus argumentis, nonnullisque librorum novi Testamenti veterumque Ecclesiæ Patrum locis ad hanc suam confirmandam opinionem adductis contendit. Qua distinctione, pace tanti viri dixerim, nec patronis nec adversariis præternaturalis dæmoniacæque magicarum artium vis satisfecit; quin immo sibi contradicere visus est, ut ei Tartarottus ipse verissime objecit. Ac ii quidem qui præternaturalem dæmoniacamque vim artium magicarum prorsus respuunt, haud passi sunt se a sua dimoveri sententia. Si enim, ut jampridem bene observarunt, visum est Maphejo sapientiæ bonitatisque Dei repugnare, ut Diabolum mortalibus sinat illudere; id ante æque ac post Christi Servatoris adventum repugnasset. Atqui primum illud non negat Maphejus; restat igitur ut alterum quoque inficiari nequaquam recte potuerit. Tum vero qui in altera erant sententia adstruente præternaturalem dæmoniacamque vim artium magicarum, ut in nova sua castra transirent ab eis Maphejus impetrare non potuit. Scitissime siquidem regesserunt quibus librorum novi Testamenti locis ipse usus est ad singularem hanc suam constabiliendam doctrinam, ea latius patere, quam ipse velle videatur. Idcirco enim illis in locis Dæmonum regnum eversum, eosque ligatos dici sentiendum, non quia desierint Dæmones illudere mortalibus; sed quod adversus novum regnum, Ecclesiam nempe, quam

quam Christus acquisivit sanguine suo, & in æternum duraturam constituit, ii prævalere nullo modo possint (1). Tandem & ipsa quorundam priscorum Ecclesiæ Patrum testimonia, quibus laudatus Auctor vel maxime innitur, constat non ita esse perspicua; ut secus ac ille pro sua illustranda opinione interpretatus est, soleant rectissime a communi Theologorum schola interpretari.

Verum enim vero omissa, quæ neutri parti arris-  
sit, Mapheji opinione dicendum tandem quænam probabilior receptiorque ratio esse perhibeatur dissentientes feliciter componendi sententias, & veteres longasque doctorum hominum contentiones tollendi. Nemo autem hujusmodi rationem solidius concinniusque persequutus est viro doctissimo Thoma Maria Mamachio (2), cujus fere verbis, eadem ratio hic exponitur: scilicet artem esse ullam scientiamque magiæ qui putant, næ ii omnes maximo in errore versari videntur. Nam si qua esset ars magica, ea quidem certe triangulis quibusdam alteriusve generis figuris verbisque contineretur. Atqui nexus colligatioque triangulorum cum naturis vacantibus corpore non modo

---

(1) Non est diffitendum varias esse de iis librorum novi Testamenti locis Interpretum sententias, præsertim vero de loco Apocalyps. Johan. cap. 20. At observatum est a Clariss. Mamachio *Orig. & Antiqu. Christi. Lib. III. cap. I. §. VIII. pag. 134. not. 1.* neminem Orthodoxorum antè hæc tempora fuisse, qui eundem Apocalyps. locum sic, ut Mapheius statuit, esse intelligendum arbitraretur. V. Calmet *in cit. cap. 20. Apoc. pag. 92. edit. Lucens.*

(2) *Orig. & Antiqu. Christi. Lib. III. Cap. I. §. VIII.*

do non esse ulla, sed ne comprehendi quidem cogitatione potest. Quotus autem quisque tam est ineptus, ut sibi persuadeat Dæmoni indefinite prorsus permisum vel suo arbitrio, vel cojesvis mulierculæ improbique hominis rogatu accersituque ludificare atque vexare mortales? Sed evenisse interdum, ut superstitionis impiisque quorundam Sycophantarum conatibus mali Dæmones faverint, & sic magicis artibus vis, quam natura sua non habent, dæmoniacæ opera quandoque accesserit; id & sacrorum Bibliorum auctoritati conforme, & antiqua reverenda traditione confirmatum esse videtur. Quod autem quando contigit, & quidem perraro admodum, ut nemo prudens non sit inficiatus; factum est divino singulari permisso sive ad exemplum, sive ad poenam hominum, sive aliis arcanis ex causis, quas nosse non licet, nec audacter fas est perscrutari.

## C A P U T XI.

*Quenam soleant vulgo tribui Magiæ.*

**S**ed quomodocumque se res habeat, & sive quis probabiliores receptioresque sequatur, cujus supra meminimus, sive opportunam aliam idoneamque studeat comminisci rationem diversas atque discrepantes de præternaturali dæmoniacaque vi artium magicarum sententias conciliandi; id sane apud omnes constat, scilicet mira quæcumque & portentosa iis artibus fieri & canere Poetas, & Scriptores narrare, & credere vulgus, & Maleficos venditare. Proditum

tum in primis magicarum artium vi, pluribusque diversis adhibitis superstitionum speciebus morbos diuturnos atque gravissimos hominibus, ipsamque mortem, modo repente, modo sensim inferri. De Germanico quidem memoriæ prodidit Svetonius (1) eum devotionibus tentatum extinctumque fuisse. Tum quoque traditum magicæ operæ adscribendas esse fascinationes, quæ adspectu, oculorum obtutu, lingua ultra placitum laudante peragi dicuntur, & quæ sæpe legas vel audias maleficia conflare, ut somnus obrepat, possint inedia, dolor, tormenta tolerari, tacenda alto premi silentio, ut conjuges impediuntur ab usu conjugii, abortus sequatur, pueri rachitidis morbo adficiantur, hisque similia patrentur (2). Contra vero validissimas esse magicas artes ad maleficia quæcumque solvenda, expellendos morbos, sanitatemque recuperandam (3) Leges ipsæ Romanæ aperte

te

---

(1) In *Cap. Calig. Cap. 1.*

(2) V. Apul. *Metamorph. Damohud. Prax. crim. cap. 6. Deo Rio Lib. 2. q. 6.*

(3) Apud veteres quoque Christianos sensim irrepsit usus hujusmodi superstitionis remedia adhibendi non tam pietatis contemptu, quam fascinatione vulgarium errorum. Ac res tandem eo usque processerat, ut D. Joan. Chrysost. *Homil. 8. ad cap. 3. Epist. ad Coloss.* aliquatenus martyrio æquaverit "si puer ægrotns amuleta non fecerit." Sed ea semper improbavit Ecclesia, & impositis pœnitentiis animadvertit in illos, qui hujusmodi phylacteria adhiberent. V. *Can. 36. Synod. Laodic. Can. 61. Syn. Sextæ in Trul. Tom. 1. & 3. collect. Concil. Harduin.* Utinam nec nostra quoque ætate ievenirentur, qui superstitionis remediis fidem adhibere non erubescunt! Cum nonnullis ab hinc annis a lethali morbo vix emerfus in tertianas febres inci-

te innuere videntur, quibus cavetur, nullis criminationibus eos implicandos esse, qui magicis artibus remedia agris corporibus quaesierint (1). Multa certe ac mirabilia vulgo narrantur de amuletis, quo nomine veniunt remedia magica, ut numismata, ceræ imagines, carmina, potiones narcoticæ, arcana & inusitata verba, quæ ad arcendos morbos & impendentia mala amolienda adhibentur. Et quamvis hæc omnia commenta hominum, ut scribit Frommannus (2), esse videantur rationi & experientia adversantia, tamen quemadmodum Marcellinus testatur, quondam medicina admisit auctoritas (3).

Amorem præterea, qui forma solum & moribus conciliatur, philtriis magicisque poculis atque carminibus excitari, diuque ali fama est. Verum

*Phasias Æsonidem, Circe tenuisset Ulysses,*

*Si modo servari carmine posset amor,*  
ut cecinit artis amandi Magister (4), a quo discunt spem omnem abjicere eos debere, qui ut vivat amor ad Æmonias artes recurrunt. Narratur quoque præparatis magico artificio poculis pudicos animos ad libidinem sæpe percitos; & contra aliquando veteres

E

ex-

---

cidissem, non defuit qui mihi homini philosopho, nec simul ignaro quid liceat Christiano, nescio quod phylacterium omni ope enixus est propinare ad repellendam reversionem febrium, quæ adventante vere mutatoque cœlo sua sponte tandem evanuerunt.

(1) Cod. Theodos. lib. 9. tit. 18. Leg. 3.

(2) De fascin. lib. 1. par. 2. sect. 2. cap. 19.

(3) Lib. VI. cap. 18.

(4) Ovid. De art. am.

extinctos amores , & in acre odium extemplo convertos. Veteres autem ita fuere persuasi magicis artibus fruges posse in alienum agrum exportari , imbres , ventos tempestatesque attrahi atque repelli (1) , ut Decemviri Romæ Legibus XII. Tabularum pœnas præscripserint adversus excantantes alienas fruges (2) ; & Imperator Constantinus M. crimine nequaquam teneri eos declaraverit (3) , qui magicis artibus fruges conservarent , & grandinem tempestatemque a satis averterent.

## C A P U T XII.

*Quid rerum Criminalium Scriptores de demoniacis fœderibus seu pactis tradant?*

**N**emo mirabitur tot tantaque portenta , quot superiori Capite retulimus , edi a Magis Lamiisque , nisi qui numquam legerit vel audiverit illos fœdus cum Dæmonibus inire , iisque , ut sit inter amicos , familiariter uti ; aut si legit vel audivit , fidem auditis lectisque habere noluerit. Ac multa quidem de illis vulgo feruntur , & a Scriptoribus narrantur , quæ summam profecto cuique admirationem

mo

(1) V. Quintilian. *Declam.* XIV.

(2) Doctissimus Antonius Matthæus ad tit. II. lib. 47. *Dig. num.* 5. " *Verosimile haud esse scribit Decemviros de alienis frugibus excantatis legem proposituros fuisse , nisi comperissent id revera contigisse* ". Quanto sagacius Senec. *Quæst. Natural.* Lib. 4. cap. 7. " *Apud nos , inquit , in XII. Tabulis cavetur , ne quis alienas fruges excantasset* ". Rudis adhuc Antiquitas credebat , & attrahi imbres cantibus posse , & repelli " .

(3) *Cod. Lib. 9. tit. 18. Leg. 4.*

movere debent. Nam credit vulgus, afferunt Scriptores (1), Magos Lamiasque amatorios cum Dæmonibus ludere lusus, eorumque impudicis amplexibus delectari, & concubitu frui: tum vero utroque transmutari in hircos, volitare per aera (2), statim noctibus ad inferna celebranda mysteria simul convenire, aliaque his similia patrare (3). Nihil Mafstylæ Sacerdoti magicarum artium vi factu non possibile

E 2

bile

(1) Godelm. *De Mag. Lib. 1.* Bodin. *De Dæmonom. Lib. II.* Libau. *Strigiport. Amoen. De delict. & pœn. tit. 8. §. 6.*

(2) Lucii Apuleji Philosophi Platonici vitam, fata atque scripta nemo vel leviter eruditus ignorat. Is *XI. editis Metamorphoseon libris*, quidquid Magos Lamiasque moliri & facere, quidquid theurgicis artibus peragi posse superstitione & credula Antiquitas rebatur, nova elegantique ratione expressit atque delineavit. Sed longe alius ipsi scopus, quam recentioribus Dæmonographis Scriptoribus, quorum agmen ducit notissimus Martinus del Rio. Nam isti quæ collegerunt retuleruntque, ea credidisse videntur, aliisque bona fide credenda propinasse. At Apulejo mens fuit popularium errorum satyras scribere, & magica portenta sic narrare, ut,

*Si foret in teretis, videres Democritus.*

Nec defuit nostra ætate, qui Apulejum provido consilio imitaretur, nempe Auctor gallici libri inscripti *Histoire des imaginations de Mr. Ouse*, quem nos iis legendum commendamus, qui anilibus narratiunculis præjudicatisque circa hujusmodi res vulgi opinionibus a pueris imbuti sunt.

(3) Temperare mihi non possum, quin inter innumera fere quæ legi Magis Lamiasque tributa portenta speciminis loco unum hoc exemplum subiciam, Tritthem. in *Quæst. 3. ad Maxim.* scribit, *satis sibi constare quamplures sagas verbis & herbis fortissimas quasdam aperuisse seras.* Est hoc vetus Goetarum commentum; scilicet æthiopidis herbæ tactu clausa aperiri omnia: quod referens Plinius *Hist. Natural. Lib. 36. cap. 4.* opportunissime animadvertit: *Non satius fuit Æmilianum Scipionem Carthaginis portas herba patefacere, quam machinis clausura per tot annos quætere.*



bile Annæ forori Dido referebat apud Virgilium (1):

*Hac se carminibus promittit solvere mentes*

*Quas velit: ast aliis duras immittere curas;*

*Sistere aquam fluvis, & vertere sydera retro;*

*Nocturnosque ciet Manes: mugire videbis*

*Sub pedibus terram, & descendere montibus ornos.*

Sed ut non defuerunt qui nulla magicas artes vi pol-  
lere contenderent, quemadmodum paullo supra (Cap.  
IX.) narravimus; sic multi etiam quæcumque vulgo  
de Magis & Lamiis tradita scriptaque habentur im-  
pugnare adgressi sunt. Atque hi magno argumentor-  
um adparatu, ingentique rationum pondere instructi  
Strigiportium, Sabbatha, transmutationes, ceteraque  
his similia fieri nequaquam posse, nec aliter quam  
risu a prudentibus doctisque viris excipienda esse de-  
monstrarunt (2). Quin immo nonnulli inter eos ve-  
riti non sunt ipsa dæmoniacæ fœdera atque pacta,  
quæ tantopere celebrantur, & quibus rerum crimi-  
nialium Scriptores docent Magiæ crimen constare, in-  
ter vulgares errores technasque referre (3). Ac quod  
spectat ad Magiam & magicas artes dæmoniacumque  
commercium sic se rem habere ab eisdem asseritur,  
ut Seneca jam suo tempore se habuisse innuit. *Qui-*  
*dam enim*, quemadmodum scripsit (4), *incredibilem*  
*relatu commendationem parant, & lectorem aliud acti-*  
*uum si per quotidiana duceretur, miraculo excitant.*

*Qui-*

(1) Æneid. Lib. 4. v. 487. & seq.

(2) V. Tartarot. Congres. Nottur. delle Lam. Lib. 3. cap. 14.

(3) V. Carl. Epist. ad Tartarot. de orig. Mag.

(4) Lib. VIII. Cap. 6. Quæst. Natural.

*Quidam creduli, quidam negligentes sunt; quibusdam mendacium obrepat, quibusdam placet; illi non evitant, bi appetunt.*

## CAPUT XIII.

*Qua circa Magia probationes Interpretum placitis inventa, Forique usu olim essent recepta.*

**T**Empus jam est attingendi quæ spectant probationes Magiæ, formamque olim in Foro receptam procedendi adversus illos, qui de ea accusarentur. Ac crimen quidem tantam habens obscuritatem, totque difficultatibus obnoxium quibuscumque ne iudiciis atque argumentis probari posse existimabitur? An sine ullo personarum delectu Testibus omnibus, etsi indoctis, rudibus, præjudicatisque vulgi opinionibus imbutis indiscriminatim fidendum erit? An denique confessioni omnino standum ipsius Accusati, de quo semper dubitari jure ac merito potest eum vel deceptum esse vel decipientem? Ita sane docuerunt omnes pene rerum criminalium Scriptores (1), quo tempore nemo fere suspicabatur Magiæ accusatione ignaros prorsus atque innocentes opprimi facile posse atque circumveniri. Vetus profecto hoc fuit generi humano malum, ut scilicet non solum deformes vetulæ senesque morosi, quos egestas & tristis foedusque corporis cultus male commendaret, popelli rumoribus pro maleficis haberentur; sed etiam viri sagaces, industrii & non vulgari doctrina præditi, qui

ab

---

(1) Caspov. *Præf. Cr.* P. 3. q. 49. Remig. *Dæmonol. Sag.*

ab omni maleficiorum labe erant immunes, in Magiæ suspicionem venirent (1). Quod olim C. Furio Cresino evenisse meminit Plinius (2); & de se ipso Lucius Apulejus testatur, qui singulari ingenii vi animique constantia objectum sibi crimen repulit, & periculum damnationis evasit.

Quid? quod multa alia sunt de Magia, tamquam de crimine excepto a rerum criminalium Scriptoribus tradita atque adnotata, quæ partim ridicula, partim sævitæ plena, partim denique a recto æquitatis jurisque tramite devia vehementer merent improbari. Itaque audiendi non sunt docentes inquisitionem institui in quemlibet posse deficientibus necessariis indiciis (3), fas esse suggestivis interrogationibus accusatum ad confitendum objectum crimen adducere; Reum extrajudiciali sive sua sive focii criminis confessione abunde convinci, nullam illi se defendendi copiam esse faciendam; quæ quidem omnia quan-

---

(1) V. Gabr. Naud. *Apol. Vir. Illustr. de Mag. susp.*

(2) Quomodo se res habuerit ab ipso Plinio præstat audire. C. *Furius Cresinus*, sic ille narrat *Hist. Natural. Lib. XVIII. cap. 6.*, e servitute liberatus cum in parvo admodum agello maiores multo fructus perciperet, quam ex amplissimis vicinis; in invidia erat, seu fruges alienas pelliceret venescitis. Quamobrem a *Spurio Albino Curuli* die dicta metuens damnationem, quum in suffragium Tribus oporteret ire, instrumentum rusticum omne in forum attulit, atque adduxit filiam validam, & ut ait *Piso* bene curatam ac vestitam, ferramenta egregie facta, graves ligones, vomeres ponderosos, boves saturos; postea dixit: *Veneficia mea, Quirites, hæc sunt; possum vobis ostendere aut in forum adducere lucubrationes, vigilias & sudores. Omnium sententiis absolutus itaque est.*

(3) V. *Bohemer. Elem. Jur. Crim. sect. 2. cap. 4. §. 69.*

quantopere abhorreant ab juris æquitatisque tramite rectaque ratione Criminalia instituendi Judicia, & unusquisque suo ingenio facile percipit & uberrime colligi potest ex Libro tertio nostri majoris Operis (1), Romæ primum editi, aliisque in urbibus plures deinde recusi, quo universi Criminalis Juris tractationem illustrationemque late complexi fuimus. Cetera his similia persequi nimis longum, immo vero inutile foret (2). Nam hoc est magnæ cuidam nostrorum temporum felicitati tribuendum, ut nimirum quæ frequentissimæ superiori ævo erant Magiæ accusationes damnationesque, hac cultiori humaniorique ætate nullæ fere amplius instituantur.

---

(1) V. nostr. Elem. Jur. Crim. Tom. III. edit. Rom. Cap. IX. & seq.

(2) Erudite solideque Tartarot. Congrès. Nottur. delle Lam. lib. I. c. 11. & Clariss. de Cauz. de cultib. Magicis. lib. 11. vulgares Criminalium Scriptorum traditiones circa formam inquirendi ægeodique in Judicio adversus Magiæ accusatos, præsertim vero Lamias refutarunt. Ac certe eo usque res quondam protracta fuit, ut per Germaniam Sæculis XV. & XVI. rursus adhiberi cœperit vetus improbatumque probationis usus per aquam frigidam, ut ejus ope innotesceret, an Lamia re ipsa essent quæ de Magia dæmoniaque commercio accusarentur. Qua ratione hujusmodi probatio fieret nos fusc exposuimus. nostr. Diatrib. de Ord. seu Form. Judicior. Criminal. Romæ 1777. typ. Salomon. De probatione per lancem & stateram, quæ etiam in usu erat ad Sagas dignoscendas, meminit Del Rio lib. VI. 6.

*De Pœnis Canonico, & Romano Jure præscriptis  
adversus eos, qui de Magia accusantur.*

**R**estat ut pœnas exponamus, quæ perhibentur indictæ adversus eos, qui Magiæ infimulati fuerunt. Ac Jure quidem Canonico eadem pœnæ, quas supra Cap. VI. retulimus in Sortilegos præscriptas, illos quoque manent, qui Magiæ student, magicasque artes exercent (1). Jure autem Romano magna severitas in hujusmodi criminis reos adhibetur. Nam usque a primis Reipublicæ temporibus, qui malum carmen canerent, vel fruges excantassent, Legibus XII. Tabularum Cereri sacri erant, idest habebantur tamquam capitis rei: postea S. C. cautum est, ut pœna Legis Corneliæ tenerentur (2). Sacra porro impia nocturnaue, ut quem obcantarent, defigerent, obligarent, facientes, faciendaque curantes I. C. Paulus scripsit aut cruci suffigi, aut bestiis obijci; ipsos Magos vivos exuri (3). Tandem Imperator Constantius edixit magicis artibus operam dantes nedum gladio feriendos, ut Imperatoriis Constitutionibus jampridem præscribebatur, sed peste ferali, idest quemadmodum Gothofredus interpretatur (4),

vi-

---

(1) Cap. 1. & 2. de Sortil.

(2) Dig. Lib. 48. tit. Leg. 13.

(3) V. Sentent. 23.

(4) Cod. Lib. 9. tit. Leg. 6.

vivicomburio absumendos esse (1). Neque vero de-  
sunt exempla illorum, qui de magicarum artium  
studio atque usu accusati vim hujusmodi Legum ex-  
perti sunt. Nam Publiciam, Liciniamque una cum  
septuaginta aliis sociis mulieribus interemptas fuisse  
narrat Valerius (2), quod maleficas artes exerce-  
rent. Sic quoque jussu Consulum Publius Martius  
extra portam Exquilinam necatus est, Pituanus au-  
tem e saxo dejectus. Ambo enim Magiam profiteri,  
operamque maleficiis exercendis navare redargueban-  
tur (3).

Quod si rerum criminalium Scriptores audiantur,  
ab eis traditum est extra ordinem arbitraria poena  
plectendos esse illos, qui dæmoniacy commercii ex-  
pertes superstitionis artibus, sigillis, cribro, ligaturis  
maleficia fascinationesque solvunt atque depellunt;  
capite vero puniendos, qui noxam fecerint, damnum-  
que aliquod hominibus vel armentis intulerint sive  
carminibus sive diris imprecationibus sive pharmacis  
præparatis (4). At quicumque pacta cum Dæmo-  
nibus inierint, vel impudicos luserint lusus, eos do-  
cent ignis supplicio mactandos esse.

---

(1) Plato ex antiquiorum Gentium institutis refert *Lib. II. De Leg.* morte multatos quicumque audi fuerint improbis sa-  
crificiis & maleficiis incantationibus vitam homini eripere. De  
Persis narrat Plutarchus in *Artaxerxe*, cervicem apud eos lapi-  
dibus fractam contritamque fuisse magicarum maleficarumque  
artium studiosis.

(2) Val. *Lib. VI. cap. 3.*

(3) Tacit. *Annal. II.*

(4) Berg. *Elem. Crim. cap. II. Struv. Dissert. Crim. VII. §. 14.*

## CAPUT XV.

*Quid animadvertendum, quidve præstandum circa  
crimen poenisque Magia.*

**Q**ui nullam præternaturalem dæmoniacamque magicis artibus vim inesse contendunt, quorum jam suo loco monuimus non exiguum esse numerum; ii Magiæ crimen eo ipso tollere e medio videntur, ac propterea non verentur asserere descriptas superiori Capite poenas numquam juxte opportuneque infligi. Cæteri vero, non qui præternaturali ac dæmoniacæ vi magicas artes pollere rentur, quos nihil morandum; sed qui singulari divino permissu interdum contingere posse probabilius prudentiusque censent, ut Dæmones conatus juverint scelestorum hominum illis improbe utentium; hi quoque dubitare coguntur an & quando locus esse possit iisdem poenis jure ac merito irrogandis. Tam enim perraro id ajunt permitti divinitus, ut semper propemodum sit metuendum, ne quis in tanta rei obscuritate ac difficultate, tantæque partim nequitia, partim inscitia perversorum hominum rudiumque muliercularum deceptus sit, vel facile decipiatur. Certe si Apostasia, Blasphemia, Hæresis, vana superstitio, impietas, sacrarum rerum contemptus ususque prophanus, si Stellionatus, Veneficium, aliaque similia facinora adint, & Magiæ nomine traducantur; oportebit ea sedulo discernere, & pro admisso delicto legitimis poenis in Reos animadvertere (1). Interest enim Reipublicæ, ne scelera

---

(1) V. De Cauz. De cult. Mag. Lib. 2. cap. 2.

tera illorum abeant impunita, qui ausi fuerint Religionem temerare, alienamque salutem lædere. Nullo autem horum similiumque criminum extante, quod mereat pro communi exemplo puniri; alicubi prudentissime opportunissimeque investum est, ut qui de Magia adhuc fortasse accusarentur ad Medicos potius remittantur diæta helleboroque curandi, quam ut præterito ævo mos erat, carnifici tradantur immaniter igne cremandi (1). Ita Vindobonæ non semel factum providissimo consilio felicitque exitu narrat Illustr. Alic. Archiat. Antonius de Haen (2). Ac nemo quidem ignorat maximam esse vim phantasiæ, qua sit, ut vel vigilantes aliquando desipiant homines, nec raro gravissime decipiantur; præsertim si morbus aliquis aut tristis eventus cerebri temperationem læserit, animumque vehementer perturbaverit (3). Sic Gennadii cuiusdam, de quo loquitur D. Augustinus (4), phantasia se male habebat, ut Coelitum choris quotidie in-

---

(1) Quantopere sit proficua huiusmodi cum Lamiis caterisque, qui de Magia insimulantur agendi ratio, innuere eleganter sapideque videtur Anonymus Scriptor *du Calendrier de Philadelphia pour l'année 1777. A Londres*: "Mistress Rachel prétend que les buchers ardents attirent les Sorciers, comme l'aimant attire le fer, ou comme le papillon vole à la chandelle. Pourquoi ne se trouve-t-il pas un seul Sorcier dans l'Amerique unie? Parceque on ne s'y est jamais avisé de les bruler.,,"

(2) *Ration. Med. part. XV. Diss. de Mag. part. 3. cap. 3.*

(3) D. Hertod. in Tartarot. *Masig. Morav.* refert, nobilissimi generis adolescentem tam tetra affectione hypochondriaca oppressum fuisse, ut se equitare, canibus venari, ac Sagarum instar per aera, ut vulgo narratur, volitare sibi videretur; à quo morbo artis medicæ præfidiis tandem feliciter liberatus est.

(4) *De Civ. Dei* XVIII. 18.



interesse putaret: & nemo ignorat epicæ poetices inter Italos principem Torquatum Tassum id sibi persuasisse, Spiritum nempe suus ante oculos obversari, quocum familiarissime viveret, Quemadmodum igitur *plenis temeto geminis exurgit mensa lucernis*; sic contingere solet, ut qui magna vi pollent phantasiæ, veluti foeminæ, rustici, robustior vulgus, ii frequentissime hallucinentur, sibi que facile persuadeant quæ numquam fecerant nec facere poterant, maleficia patrassent. Cujus quidem rei innumera pene exempla apud Scriptores occurrunt. De nescio quo homine Magiæ accusato meminit Alexander ab Alexandro (1) eum confessum esse, firmiterque adseverasse ad Tartara descendisse, Ditisque in Regia diu esse diversatum. Plures foeminas, quæ tamquam Sagæ in judicium accersitæ fuerant, constitit suo in lecto somno tranquille indulgisse quo tempore postea narrarunt se volitasse per aera, & convenisse ad convivandum, infernaque celebranda mysteria (2). Tantum phantasiæ vis potest ignaras imbecillesque mentes transversas agere, atque in gravissimos exitialesque errores inducere!

---

(1) *Genial. Dier. Lib. VI.*

(2) *P. Spīn. S. Palat. Magist. Quæst. de Strig. cap. 31.*





This book is to be returned to

